

泉州府志

卷之七十一

三

泉州府志卷之七十

列女五

貞烈一

元

晉江王氏女名珠娘省元胄孫女年及笄值寇至執之珠娘恐被污行至大溪出其不意投水死處士林周員以詩弔之

明

晉江諸生楊希閔妻汪氏字貌莊幼聰慧讀論語孝經列

女傳悉曉大義適二年希閔卒無子汪時年二十三欲自縊家人防之嚼舌出血益防之聞茉莉有毒能殺人密煮湯貯臥內自作哀辭告祭曰吾不死不了吾事服毒而死正德閒事聞旌表

晉江蔡任妻孫氏行人振宗女弟夫亡時年二十二撫孤事姑至二十七歲孤夭姑繼歿氏無依遂自縊嘉靖十八年旌表

晉江林泗妻李氏名純香安溪人年十九泗贅其家甫五旬歸省病劇報至徬徨終夜明日馳至夫家泗歿矣伏

屍哭不絕聲水漿不納者七日從容治喪爲夫立後卒
哭之日袖夫囑自縊以殉子孫世祀忌前一日滿室異
香嘉靖十九年旌表

晉江朱焯妻陳氏都御史鑑三世孫婦夫亡時年二十六
忍死以撫遺孤未幾孤又死陳遂服毒而斃嘉靖二十
年旌表

晉江人官刑部員外郎何琚繼妻吳氏名扶陽御史從憲
女弟世爲禮義家知書通大義寡時年二十二無子卒
哭之日立囑置嗣區處後事從容自縊其絕命詞曰嗚

呼吾夫之亡妾上無舅姑可守以孝下無弱息可守以
慈安得顧戀殘生不自引決叅知王慎中歎其見之正
守之定爲私易其名曰純節善道吳氏烈女

晉江余汝麗未婚妻林氏名大娘汝麗商于外舅姑預迎
以歸夫亡于商氏自縊死嘉靖三十五年旌表

晉江徐譽妻黃氏歸譽六月譽病故氏哀毀自誓匝月自
縊以殉萬歷十一年旌表

晉江諸生林有棫妻許氏諸生喬植女有棫館于陳可瀛
家陳兄弟不睦弟將毒兄有棫誤食之死嗣子亦遺殤

氏痛夫仇未復居卒哭日由鄉居奔赴郡館柩前焚香
自縊日報夫之仇在此命矣時萬歷九年九月也十年
仇竟抵罪知縣彭國光表其墓

江李喬新妻蔡氏夫卒遺二子俱幼氏矢志育孤蓬頭
垢面紡績自存嘉靖季年遇賊潘若海等剽掠焚其夫
柩次孤爲僂氏痛憤大慟引刃自刎於焚柩烈焰中賊
相顧失色釋其長孤而去萬歷十三年旌表

晉江吳廷桂未婚妻孫氏幼解經史夫歿徒步奔喪以聘
釵拜見舅姑哭奠伏柩側自訂死期有助舅資使治美

木氏走視之曰木以美逾吾夫非禮矣以糶饋來乃許之越二旬取魂帛懸而緜衣帶中書云男子勿近我身女人勿啓我衣萬歷十九年旌表

晉江蔡遵課未婚妻陳氏陳誠要女遵課旅歿氏聞訃哀毀骨立匍跣迎柩既入門伏柩號泣預制殮身之具謝舅姑曰吾不能養矣蔡氏之人或勸止之曰吾若不死不入此門矣絕粒而斃萬歷二十二年旌表

晉江人官都司鄧中溥妻林氏及鄧華清妻蔡氏均百戶炳曾孫婦也皆於夫亡匝月內絕粒死與鄧炳妻蔡氏

鄧銓妻俞氏爲一門四節烈同時旌表

晉江諸生蔡國襄妻呂氏夫歿氏年一十七歲矢志身殉
悉斂其簪扇筆研納夫懷神於三七期懸帛自縊萬歷
二十八年旌表

晉江姚楷未婚妻陳氏楷病故氏躡踊奔喪朝夕撫柩慟
哭堅餓而死何喬遠爲作哀辭萬歷三十四年旌表

晉江黃崇櫛未婚妻陳氏夫故氏甫十六歲奔訃自縊萬
歷三十四年旌表

晉江陳宗球妻史氏宗球死史必殉之有期矣尚攘袂爲

姑釀酒姑曰婦幾何日在人世尚爲我釀耶日政爲日短故釀而奉姑將死告舅曰母長婦木事聞旌表

晉江王命賡妻周氏忠愍天佐公孫一驄女年二十夫歿無子將以身殉恐爲舅氏憾旣除服舅萬金之官遂自截髮後數日投繯崇禎三年旌表建坊邑人何喬遠爲之作頌

晉江人官安慶叅將蘇國璋妻葉氏隨夫宦皖國璋爲張獻忠所執家屬盡被囚擄繫小舟江滸葉嗣聞夫死懼賊汚迫率孕妾皖梅婢僕應瑞等一十六人赴水死土

人撈其屍襟前着一小囊血書白綾二絕云腥風陣陣
起江隈百匝孤城作燼灰死孝死忠曾不悔成他節義
愧奸罔敲斷玉釵不裹頭潛扶雙槳赴衝流男兒事了
奴何待拚與湘妃結伴遊懷寧令曾士懋殮葬顏色如
生致祭而去事聞贈正二品夫人旌表

晉江諸生吳佳鼎妻郭氏名四娘歸數日夫卒矢以身殉
時姑疾篤勉侍湯藥姑愈遂登堂自經崇禎中旌表

晉江吳斯稱妻楊氏年二十二夫歿姑哭于病氏忍死侍
姑姑歿葬畢從容盡節崇禎時旌表

晉江石氏名坤儀 晉江李氏 旌表年分皆無考

南安黃維楨妻楊氏同安人楊冲斗女楨後移居永春氏
事姑極孝室淺而聲不外聞年十七夫歿每擲筭靈前
曰奠三旬許我歸乎舅聞疑之既知其將死又止之且
使鄰嫗伺焉後舅出整衣拜堂前鄰嫗異之曰祝舅壽
且告歸期耳舅歸午饌具食之畢呼婦不應驚使鄰嫗
入視斫以喪絰縊死喪帷中腰繫一袋其夫病中巾履
也時大旱紳士拜奠且請郡邑題旌乃雨天啓丙子建

坊

惠安諸生陳文鏐

通志作鏐

妻姚氏晉江舉人居易女少通孝

經列女傳歸九年夫病卒氏賦詩曰傷妾何薄命君死

妾亦死留此未灰心相逢一時語剪髮並納柩中屈五

旬自爲文辭家廟奠夫拜姑遍拜親黨更衣自縊萬歷

二十一年旌表

安溪許志超妻葉氏名坤隨年十九歸七閩月夫卒無子

葉絕食誓死所親強勸之坤隨曰無子殉夫婦道當然

尊者無以我爲念匍匐自縊柩旁萬歷二十二年旌表

安溪諸生張問行妻李氏太史光龍女歸兩月夫病篤氏

之謹陽示不死五旬奠畢伺姑閒投繯死萬歷閒旌表
安溪李鐘妻林氏永春人山寇掠其鄉氏已逃避念幼女
復返走遇賊脫簪珥賄其魁釋之追者復至氏度不免
緝曰吾藏金某處同往發之行至黃石潭躍下死三日
屍出倚石而立 國朝康熙五十四年世孫光地奏聞
御書女宗擬節旌之

同安諸生王湍妻林氏名三娘年十六適湍六月夫死無
姑欲嫁之三娘曰夫有三弟在或得姪可嗣吾未

死爲大血食計耳翁姑逼以寧母蓬垢三年足不出戶
其母因密受富室劉聘三娘知之忌日復歸服毒仆地
大慟姑懼令婢舉投以如母市人見之皆爲流涕母竟
欲強奪之三娘曰女今嫁矣膏沐笑語異常母信之告
期於到至期竊入臥內竟自縊死嘉靖十二年旌表

安劉仲芝未婚妻吳氏名二娘仲芝亡氏泣謂母曰兒
縊仲芝今其親老矣往臨其殯母乃義乎母與偕往至
殯所觸地求死衆抱持乃歸持服卒哭有求婚者母許
之氏沐浴自縊死嘉靖三十年旌表

同安許文潛妻黃氏名順娘文潛遊漳爲郡諸生及疾危囑順娘撫三歲孤順娘泣曰卽不起夫不後君一日死文潛卒順娘手紡畢卽自縊年三十三嘉靖三十年旌表

同安葉秀春未婚妻康氏名璿璣秀春卒女告父母臨其喪歸自縊死嘉靖四十二年旌表

同安諸生吳泰妻康氏嫁甫四月泰郡試病亡氏慟不復覓息旬餘自縊萬曆三十四年旌表與夫合葬東嶽前道旁有貞烈石坊令李春開捐成之

同安陳氏名二娘諸生鼎女年二十適龍溪王從彝逾月而孀翁姑父母慮其殉也強昇之歸欲徐勸之二娘卽以帶自經而死萬曆將於其門

自楊希閔妻至此皆已經旌表

晉江李氏子妻莊氏名盛娘洪武元年夫以事詣京師偕行至崑山夫病死具衣衾殮葬畢寓書歸遺其親自溺而死會稽胡濫爲賦以哀之曰衆同舟兮孰無良妾身熒熒兮良獨亡良旣葬兮海之旁妾化精衛兮與良翱翔

晉江郡諸生林光妻蔡氏名瑞金性嚴潔既歸林恪謹婦道成化壬寅大疫舅歿俗皆畏避不敢喪蔡相光治棺殮衰絰哭踊盡禮洎卒哭光亦卒無子蔡悉出所藏殯殮哭奠數日自縊而死年二十二祀九節祠蔡清作傳

晉江王國助妻陳氏名媚姜生男甫四月夫病亟歎曰孤將誰託陳曰吾決不異志君無累心夫死獨撫幼孤躬織紉以爲衣食一日從母郭氏弔外祖之喪舟回至江中賊舟逼及之陳度不免赴水死賊駭且悔隨旋舟遁去越四日屍浮水上而色如生時年甫十七

晉江黃綬妻吳氏南安人夫死自縊

江蔡魁喬女未笄正德閒爲廣賊所掠驅之不行怒罵
被殺于安平橋

王爵妻陳氏名妙姬年十七適爵踰年夫歿陳以死
自誓念姑無侍未忍居一載姑營塚葬爵陳請于姑預
已壙爲同穴計姑曰是何容易言陳謂姑不以節許之
卽服毒姑覺請醫爲解陳泣而言曰婦本欲代爵養姑
第姑莫信不待已爲是以自白爾遂閉口不受藥翼日

卒祀九節祠

卷之七十一
九
... 妻汪氏名新娘嫁未久聯桂奪維揚溺死計
... 無胸大痛曰喪夫之人豈宜獨生卽投于東廊之
... 死時年二十三祀九節祠

... 燭妻柯氏名梅年十八適燭育一子始辟燭歿柯
... 子憑棺而哭哭止必曰兒羈我爾意欲從燭而難其
... 子舅姑不悟疑之再閱月兒復歿柯夜寧父母家與父
... 母語盡平生旣歸從容起居舅姑蓋與永訣也遂沐浴
... 更衣益死家人驚救弗及時年二十三祀九節祠

... 吳燁妻莊氏名願貞歸未幾而燁卒莊剪髮去牙與

夫承詔誓以身殉其父母知之以祖母與臥起防之莊
辭祖母曰吾夫無與爲三年服者吾何忍死遂持服至
大祥母諷以他適莊憤甚其夜就寢自縊王春復爲之
立傳

晉江舉人蘇忠妻蕭氏忠遊安溪歸至雙溪口卒舟中報
至慟哭殞地檢送出殮殯于溪許誓以死殉還家不食
九日至夫初窆信其姑出臨漳門外向柩所哭盡哀歸
入門懸帛自縊兩一婢侍中斷婢棒顛伏號磨婢出掩
扉縊死

晉江黃莪妻吳氏早寡無子夫兄利其財迫嫁氏死之

晉江黃某妻陳氏諸生陳元璧妹夫死無子紡織葬夫葬

畢沐浴更衣自縊

晉江蔡遵儒妻柯氏夫死以禮自衛有侍婢爲強暴誘侮氏以爲辱已遂自縊有司給匾命祠之

晉江漆匠許諸妻彭氏家至貧夫死朝夕哭奠不廢禮聞

吳廷桂妻孫氏之尅期死也同日自縊

孫氏經旌表另載

晉江江甲燿妻黃氏名四娘甲燿久病四娘悉脫簪珥衣服以供藥餌經年無惰容及卒哭泣哀毀殮夫畢卽沐

浴自縊御史方元彥給匾旌之

晉江陳章憲妻黃氏憲死于呂宋越年訃至氏號慟幾絕
自矢必死其姑勸之強爲收淚三旬食夫畢闔戶自縊
晉江龔達愛妻柯氏年二十二夫歿以節自守有夫從弟
獸行潛入其房匿於床下氏孤居已久入房聞男子氣
駭之呼婢取燈索得大號遍告族衆曰狗彘辱吾甚矣
遂自縊死獸行者遠逃溺于江

晉江龔鳴琬妻顏氏嫁二年夫遠出七載不歸氏事姑孝
及夫死訃聞姑悲慟卒氏經以殉

晉江柯日蕃妻顏氏日蕃死呂宋氏號哭爲死計其父遣媪婢謹護之比卒哭擁以歸氏陽爲不死狀食語如常值蕃小祥前期語父曰女雖不死可無歸貧許之薦俎後乘聞自縊衆踰戶入絕矣

晉江郭民守妻楊氏民守以軍舍人死倭訃至楊欲死矣以有身強粥旣得女所親諷之更嫁唾不顧也姑陳氏或微贊之楊閉目轉面謂姑曰媪亦出此言耶陳曰身故媪婦何敢敗爾志立繼可乎對曰婦大與媪異媪子婦否居三月竟死年二十

晉江無名氏女嘉靖閒倭入安海大掠男女氏手牽一女

背負一兒被獲賊迫之不從嚇以刃亦不動也賊怒斬

之引頸受刃罵不絕口

按此條安溪舊志收入至新志乃去安海二字安海即安平係

晉江地方今從雍正年閒未成志稿作晉江

晉江人官南灣總兵歐陽寨妻鄭氏居永寧衛嘉靖季倭

陷衛城抄掠婦女氏統婢出救與其姑及其夫弟俱陷

賊有諸生楊敬中者其家西賓也亦陷賊中賊俱閉諸

室中寨妻欲死恐無計出其姑與其夫弟語敬中曰願

君以婦私我告賊質婦君自求與吾姑及吾夫之弟出

曰且圖金爲贖賊悅婦艷信而許之度行既遠持刀黥面罵賊不已賊怒焚之於火中

晉江張興文妻吳氏嘉靖閒倭亂與夫俱被擄勒贖氏某之夫曰祖宗禋祀父母供養賴君一身君生妾死死亦生矣乃給賊以取賂歸興文氏度夫去旣遠遂大罵被殺時年二十餘邑人蔡中葵爲之傳

晉江郭主靜妻李氏李會卿女年二十七夫歿將死或止之對曰亦知死易立孤難但舅姑年富季叔與氏子同庚叔能成立獨後此子耶且夫臨歿託子於舅姑而以

無貽身後羞相勉正爲氏死地耳居五旬遂從容自縊
夫叔尚寶卿立彥爲之傳

晉江郭宗冕妻陳氏年二十于歸閨月宗冕以宿疾病未
久卒氏屢欲引決舅姑嚴衛之氏益痛日常絕粒繼以
大慟嘔血數升卒邑人何元述爲之傳

晉江諸生何九轉妻王氏名承靜弋陽令居瓚女禮部郎
中喬遠長婦也九轉夙負才名早夭男幼復殤氏慟哭
以死請於舅越三旬自縊時夫弟未有男氏將死豫囑
曰他日必爲而兄立後歿逾時兩手相拱不釋

晉江黃華南妻謝氏南贅于謝三月入楚病卒喪至氏奔
赴哭臨奠畢自縊

晉江吳壽妻王氏

闕書壽作壽
王氏作黃氏

歸一年壽卒密取斂餘布

自製絞索縊死

晉江諸生林應元妻許氏名端娘許必誠女年二十二夫
歿密藏斂餘帛小祥自縊死林一新爲之傳

晉江方其振

一作
其振

妻陳氏年二十三夫卒朝夕哀慟不離

柩側越數旬拜辭翁姑投繯而死是日風雨晝晦鴉聲
慘噪

晉江謝應祥妻蔡氏

通志作陳氏

名賡娘諸生考箴女年十九

夫歿自經帛斷寤卜筊於天祝曰有孕筊三無孕筊二竟二辭舅姑從容而死是日狂風吹石陰霾不開何喬遠爲之誌墓

晉江陳廷策未婚妻林氏名端娘夫歿氏請曰無殮也將往死之父曰而雖許未幣也端娘曰幣與許奚擇父謹防之氏曰女何往不得死願死陳躄耳父曰壻家貧死孰周身曰身也乎哉父曰壻家貧死孰標名曰名也乎哉遂奔喪哭奠自訂死期及期理帛自縊柩旁三拱而

絕陳故家青陽山下山下人言婦赴烈時山鳴三晝夜
晉江蔡之升妻劉氏名吉舍給諫宏寶孫女父廷熠氏年
十八于歸明年之升以攻書積勞病且死執氏手曰我
死爾將安歸氏曰從耳曰何日日哭內可之升遂卒氏
慟絕家人甦之乃兩盪金簪金珥吞之皆不死延至初
旬跪夫靈以琰卜期出粧奩分給家人肩夫圖簪曰以
俟嗣我不可知之子也自縊附身衣至期投繯拱手面
南顏色如生其時舅姑俱存父奔視之不能止亦不敢
止云林欲棟李光縉爲之傳

晉江吳鳳來妻蔡氏名貞娘年二十歸甫二月鳳來旅歿
氏晝夜悲號俟襯歸遂縊以殉

晉江藍明娘夫諸生黃祥辦未婚而卒明娘聞訃卽悲慟
自經死時有司設主入貞烈祠祀之其家住南門橋因
名爲藍橋

晉江人官秦政吳從憲妾沈氏名槐英淮安沈廷器女從
憲病槐英預矢身殉遂卒死焉時年十七

晉江永寧衛歐陽觀妻姚氏夫卒姚以死殉語夫兄鼇山
哭奠七旬鼇山知其志堅許之及期告諸妯娌曰我今

身少月示 國名之十一
日得從夫九京矣拜舅姑族人外戚自經死顏面如生
晉江陳履莊妻張氏殷莊買于漳中途被害氏年十八聞
變號慟曰吾死固甘其如夫仇莫報何廉得其人訟之
官竟不服既卒哭拜舅姑曰喪禮成矣夫仇未復今當
報於地下遂縊死又夫兄殷道妻郭氏年二十五殷道
病歿氏囑遺孤于舅姑持張氏所贈遺物焚於柩前曰
卒哭日與汝相見至期以殮夫餘帛縊于中堂一門雙
烈

晉江諸生林翹妻黃氏年十六歸翹歿誓以身殉卒哭

易服拜天地家廟及舅從容投繯死

晉江郭氏年十九許配曾氏子未嫁夫亡遂於是夜自縊
數日陰霾不雨里人立石葬於其夫之側大雨乃降

晉江伍繼

通志作伍計

妻陳氏名妙楠繼歿從容自經死祀九

節祠

晉江楊再興妻許氏年十七于歸一年夫夭無子服闋自
縊

晉江諸生王肇望

閩書作廷望

妻周氏夫夭歿以死自誓姑偕

其妯娌環守之周乃寬以小祥不令知也屆期方治蔬

身外見記 卷之七十一
十六
爲奠自經死矣

晉江黃萬偕妻陳氏名愛娘萬偕早孤育於叔父叔父行賈于長泰萬偕娶兩日往訪之歸渡海溺死愛娘縊而殉之

晉江徐渡妻張氏嫁時渡已病不能成婚渡卒大祥張不食數日死王畿李光縉皆爲立傳

晉江諸生李夢璧妻陳氏夫死不食死

晉江李氏許適慶遠同知楊維清孫某未字而以烈殉夫晉江吳天錦妻李氏天錦出行賈家故海濱寇作家人要

李偕姑出避李以姑老謝不從獨閤戶相依聞天錦死
絕粒將殉其父母來防之氏俟稍懈入室雉經顏色如
生

晉江黃熙耀妻李氏名子娘歸熙耀事舅姑族稱孝婦熙
耀客死矢必殉曰苟歸夫骸得同穴大願不則耐先姑
焉臨盡戚屬哽咽李獨宴如對天頂禮者四投縗死

晉江莊氏子未婚妻施氏名來娘贈榮祿剛甫女聞夫有
惡疾父母舅姑皆議改適氏聞之遂自縊夫叔狀元際
昌詩以弔之

晉江人官戶部主事莊履朋妻李氏諸生大進女履朋卒
京邸鄰火及柩氏自投焰中侍御蔡龍巖義之爲出柩
氏體焦爛得不死扶柩歸將葬絕粒死柩側遂同窆焉
邑人陳紹功爲立貞烈傳

晉江舉人陳鳴勳妻莊氏鳴勳卒氏年二十五哀慟絕食
死

晉江鄭泓妻黃氏叅政東石曾孫女夫歿三載四子相繼
殤遂於夫諱日哭奠畢結束取夫魂帛自縊

晉江副榜官代州判汪萬仞妾張氏北直人從萬仞之官

萬仞死遂自縊年二十六郡守蔡善繼邑令吳姓詣門
致祭

晉江郡諸生許仲友妻李氏夫歿百日自縊以殉

晉江林孕妻龔氏居安平夫外出事舅姑維謹值海寇掠
其鄉懼遭辱赴水死

南安諸生蘇希益妻陳氏晉江人嘉靖甲子爲倭寇所俘
義不受辱乘閒投水寇以矛刺之罵不絕口與幼男俱
被害

南安傅禧光妻蘇氏晉江人封彰德知府士潛女尚書茂

相妹也歸逾年夫歿氏痛哭誓不獨生請於姑以夫兄子爲後拜夫兄訣別時茂相以督學家居氏日兄爲綱常名教之官妹敢爲綱常名教玷乎越九日闔戶自縊年一十九

南安諸生陳民安

一作陳民

妻黃氏名淑坤晉江人夫歿三月

一子復殤淑坤哭辭夫靈囑夫弟勉學以繼兄業遂就

縊

南安人官訓導黃思詔妾陳氏思詔歿畀以田園爲終老計氏誓必殉死時其嫡子一良成進士在京師俟歸與

訣遂自縊年二十有七何喬遠爲作陳如夫人傳

南安某氏子未婚妻傅氏田家女也夫死自縊邑令趙時
用爲合葬

南安王西忠未婚妻許氏名三娘許宜良女年十八西忠
客死聞訃將死母防之氏曰防亦死願死王義也遂奔
喪招魂哭奠拜辭姑及姻戚登榻自縊是秋苦旱至時
大雨如注山陰繆伯昇弔而祠之

南安李氏名五娘夫林毓蘭早夭無子李欲殉翁勸以立
後且緩死厥後嗣定哭辭於廟曰婦事畢可死矣絕粒

者旬有三日不死乃投繯而死同安蔡獻臣詩以贊之
南安吳惟禔未婚妻楊氏名未覲惟禔歿于粵東聞訃誓
殉水漿不入口者七日訂期自縊通判唐時給扁旌之
南安傅帛未婚妻許氏帛卒訃未至女先入夢而駭之坐
以待旦訃至慟哭失聲絕粒死

惠安莊珊妻吳氏珊卒年二十二無子晝夜呼哭竟自縊
以殉

惠安黃舍人妻祖氏崇武所百戶宗源女夫死祖守節不
二其姑亦寡婦也謀他適惡祖節欲壞之氏悲憤自縊

死

惠安林毓女許聘李氏子未婚夫溺死以禮自約不敢奔
喪居數日隨母往戚家近李居召李妹泣告曰若兄亡
我死有日妹善事親出衣帶錢囑代奠歸朝夕歔歔有
議婚者皆怒叱之後父母奪志益切遂自縊邑令難爲
歸柩於李葬之何喬遠爲碑記

惠安洪氏適王孔賁孀居撫子聞寇至義不苟全吞金死
安溪林超南妻黃氏名愛玉南安人年二十三超南以赴
省歿於途輿屍至氏奔哭哀慟親爲櫛歿時值倭警舉

家夜遭氏對柩泣曰寇來吾死柩前矣號慟達旦及卒
哭遂自經

安溪吳光隱妻黃氏嘉靖辛酉南安寇犯祥雲渡氏被擄
至鳳池橋罵賊不屈賊殺之分屍爲四投水中

安溪吳門黃氏永春人年十八夫吳仲熙亡母家諷之改
嫁氏泣曰白璧可碎終不受瑕會仲熙五七之期哭奠
畢臨櫛更衣密縫其外繫以帶徧拜舅姑尊長從容就
經死之口紅光滿室太僕卿李懋德爲傳司訓黃妻旌
其節事在萬歷四十五年

安溪楊啓昭妻黏氏晉江人諸生洪勳女夫死自製凶吉
衣屆五旬凶衣拜靈吉衣自縫

安溪謝氏適舉人龔貞夫歿卒哭從容就死面不改色知
縣施酬素率學博縣尉躬奠給匾旌之

同安宋隱山子妻許氏名梅娘許代一作許真才女也嫁未幾

夫得痼疾奉之無惰容夫死誓不二志事姑孝謹父憐
其少無子逼使再適隱遣投海而死潮漲而屍不流人
以爲異

同安高浦千戶孫榮妻張氏夫卒年二十四誓不再醮葬

夫途營二瘡爲同穴計始與其兄逼使再適張知不可
沮陽諾之至夕自縊而死

同安諸生洪伯大妻許氏名端許堯友女歸數年未有子
勸夫納妾伯大義之娶陳氏生二子氏愛如已出伯大
疾革氏水漿不入口數日泣語曰君不起妾必不獨生
及歿視含殮畢收其遺書付陳曰吾哀中恐有遺忘汝
慎藏之好護幼兒潛入臥內縊死

同安進士李一陽妻莊氏陽登嘉靖癸丑第需次銓部以
疾乞歸卒于途訃至莊爲位而哭哀毀逾禮謂其父母

兄弟曰夫疾莫養於下吾將往從之所念者二孤孩提夫翁之齒暮矣有夫弟在其悉以歸之吾當自爲計耳
慨至遂自縊死當道表其廬曰貞烈

同安諸生呂潤妻陳氏年二十夫歿哀毀絕粒姑讓之曰汝欲以二喪累我耶乃就食二年食不過再面無開顏適母家有以年艾家貧探其意者氏憤告其姑曰婦生而啓人伺不如死遂服毒告於夫之靈曰生同爾年死同爾日時年二十三其日夫死日也

同安周仕昂妻陳氏名二娘仕昂就婚十日歸隨卒氏年

十八聞訃奔喪自矢必殉陰搆鉤吻吞之鄰婦救得不
死遂爲夫營葬時值寇警氏與二侍女守柩不去旣襄
事夜投河復以救免後竟自縊而死

同安諸生王式妻吳氏嘉靖己未避倭大嶺寨中寨陷被
執罵賊不絕口賊將殺之有告其爲大家妻可挾以索
贖者乃令蔡媪扶之行適見道旁有泉深數十丈遂投
而死後人名其泉曰義泉

同安人海澄諸生林鳳翔妻葉氏年二十夫亡事姑孝謹
嘉靖季倭入寇葉歸襄父喪與衆婦避賊涉淺溪猝遇

賊衆婦被執葉獨抗不就賊刃其脅大罵曰死賊何不
速殺賊刳唇吻嚼罵不絕死之

氏名
二娘

同安黃士觀妻趙氏諸生文顯女年二十夫客死訃至絕
水槩七日值夫生辰從容處分後事自縊死

同安陳汝光妻許氏名蓮許堯咨女賊劫其家將掠之登
舟抱樹哭罵爲賊所殺有司給扁旌之

同安黃貞妻許氏名靜許堯命女貞爲吏死縣城中柩回
氏縊以殉

同安林伯謙妻許氏伯謙卒氏哭奠九旬畢遂投井死

同安蔡士訓妻洪氏名四娘嘉靖己未避賊大壑嶼中及
遇賊迫之行頓坐于地以瓦石擊賊厲聲哭罵賊怒殺
一婢以恐之不動又殺其女及二稚子哭罵愈甚賊刺
之中胸洞脇無血賊怪駭而去時同避賊者伏巒莽中
共憐其死爲埋淺沙中四十九日賊退發殮顏色如生
人咸歎異

同安張鳳岐妻陳氏年十七歸姑寢疾與夫奉侍湯藥衣
不解帶姑歿夫哀毀疾篤陳氏泣謂夫曰倘不諱當從
逝不多食汝一飯也夫卒陳請夫兄鳳表立子爲繼併

促治已死具內外親勸之不可回越九日自縊計適張
未逾年也

同安李氏李師說女年十九歸劉德昭

閩書及縣志皆作劉懋昭再歲

德昭歿氏誓以身殉德昭之叔義而許之已拜姑又拜
妯娌沐浴更衣懸梯自經而死

同安許子輝妻吳氏年二十六夫歿襄葬事禫服闋吞藥
死

同安王廷岳妻許氏名九娘夫歿有孤四歲比小祥孤痘
殤氏慟曰吾鞠兒無狀胡面目謝吾夫耶日撫柩哭延

身外月記 卷之七十一 二五
至大祥遂自縊年二十九

同安盧真賜妻陳氏名大娘事舅姑孝年二十三夫歿遺腹越二月生男踰年復歿氏慟曰向爲夫三世一脈未卽死今何以生爲遂自經夫從弟若騰爲立嗣存祀

同安黃應考妻盧氏名閨貞年十六歸黃逾年夫歿將徹靈歸見父母不宿而旋見舅姑容詞自若莫覺也至夜沐浴更衣自縊死

同安林華妻莊氏夫久目病罄衣資求醫及歿叩地出血死復甦棺殮畢自縊死

同安葉啓翼妻陳氏叅政明元子婦也歸甫三月啓翼與
歸寧病故氏扶屍歸殮旦夕哀哭坐臥不離柩側意在
必殉姑遣婢守之及五旬以他故遣出諸婢遂取所藏
小刀自刎靈前婢驚抱持之屍挺立移時不仆時方盛
暑越日面色如生蒼蠅絕跡人咸異之萬歷辛亥年也
蔡獻臣詩以贊之

同安張廷諧妻許氏九月而孤母育之廷諧養三月而歿
許歸殮絕粒哭奠如禮或以母寡無子勸之共守母亦
泣諭之氏曰旣爲張家婦此身非母有也越數月自縊

身少月記 卷之七十一
靈前足不離地顏色如笑年甫十五

同安呂重熙未婚妻陳氏名大娘諸生開春女幼通女誠
及列女傳熙歿易服號哭跪母請奔喪母以父外出難
之適呂家婢餽奠餘遂約其姑來夕與俱往入門拜堂
夜寢柩側家人常聞二人語聲已乃賣簪耳舉奠梳沐
結束拜舅姑納婚帔袖中自縊時年一十九其父適歸
知而不能止也有司紳士多往拜之經二日面猶如生
同安何公保未婚妻趙氏名三娘父夢人授璧而生公保
歿三娘年十六約何氏姑來與奔喪月餘骨立母憐欲

攜歸三娘扁戶爲死計母姑倉黃排門強擁以歸既至家自縊者再母不得已復聽歸何出門曰吾不反矣卒哭日沐浴更衣拜訣翁姑父母鄉隣咸集母猶持泣三娘曰爲臺吾將登臺而死母出遂經於臥內

同安諸生陳耀奎妻戴氏名一娘諸生宗茂女事王舅姑及舅姑皆孝年二十五夫歿慟垂絕姑慰之且曰吾獨子無嗣聞婦哭聲腸益斷氏乃吞聲掩泣目爲之翳及大祥私製殮服時向王姑言曰刃死膚傷藥死腸穢孫婦願以縊死將縊必浴而更服不使死後經他人手王

姑駭之則曰戲耳及禫制畢閉門死如其言

同安林氏名細娘龍溪陳思程妻通書史思程死細娘及大祥死殉之致書其父曰父全而生女全節而歸之死亦生也

同安黃養沛妻某氏以烈殉夫

同安洪蒼嶠妾黃氏年二十三夫歿子殤死而從之

同安許致允妻張氏名七娘年二十一夫歿朝夕哭奠卒
哭自經死

同安張綬妻周氏名仲娘家貧事姑孝夫兄有遺孤與嫂

撫之如已出年二十三夫歿殮畢自縊見夫魂勸慰家人覺救之甦乃哭奠終旬復縊死塚旁蔓草不上墳堆見者異之

同安張一睦妻葉氏名三娘夫客死喪歸將殉父母遣其幼弟同起居以伺之及大祥撫棺哭踊忽有白雞自空飛下三娘曰吾夫生年屬雞其魂招我乎遂自縊時年二十三復有黑貓踞床護其尸殮畢失所在

同安許復晉妻陳氏夫府試歸覆舟死訃聞遂自縊

同安王廷椿妻蔡氏名二娘蔡雲崖女年二十五夫歿與

母訣出簪珥衣巾付其姑殮夫畢哭盡哀遂自縊

同安陳以恕妻何氏名三娘何秩宗女成婚後夫以多病
隔居少得見年二十夫歿殮時潛取夫裹腳帛藏之及
小祥將葬自製殮衣以藏帛自縊遂同穴焉

同安許世鍾未婚妻王氏名五娘擇日將婚世鍾遠出屆
期未歸舅姑謂日吉乃迎媳以待子越三日訃聞世鍾
先二月逝矣五娘遂以婦服拜舅姑旋入房自縊時年
十九家人俟其夫櫬歸合葬之

同安陳五美未婚妻謝氏名愛娘武舉錫卿女年十五父

死哀痛幾絕五美歿其夕氏恍見一男子入門忽滅明日訃至氏欲自經母止之且曰果將死宜死於陳遂請歸陳兄元瞻亦謂之曰能死甚善恐或變志爲人所笑

耳氏決意往使乘肩輿曰非其時也徒步入門吉服拜舅姑越三日衰服哭靈前日唯食薦靈飯少許姑寬譬之曰伯氏有二子幸嫗姪爲吾兒後更數日次姪痘殤氏偕婢往夫墳大慟還求死益急家人嚴防之一日潛縊樓上繩斷脣裂引刃剗去佯語姑曰毀形完節願事終身耳後舅姑出視田務遂復縊卒乃夫喪撤靈之次

日也時甫年十八里出以鼓吹迎柩附葬夫墳先是氏叔應仁娶林大娘仁死林以祥日自經氏弟元曉娶陳初娘曉死陳亦以祥日自經又氏姑吉娘事見貞節傳蓋一門一節三烈云數月前謝宅有榕樹忽滿吐斑枝花至是始知爲節烈之應

同安趙夢龍妻葉氏名春嫁二年夫歿結心自誓甫百日縊死

同安李起滄妻陳氏名晉舉人震女事姑孝年二十七夫歿日常絕粒姑與母勸之不從延至卒哭自縊

同安楊廷樹妻范氏名引娘以貧故未笄入楊門久之乃
成婚廷樹亦貧且長氏十六歲氏事之盡禮養姑極孝
後廷樹漁舟覆死氏年二十二沿岸哭三日出血尸浮
負歸葬之自製殮服囑家人養姑存夫祀沐浴更衣白
縊死

同安陳台宜妻王氏名六娘夫經紀海外歲罕得歸後舟
遇風死於安南氏年十九耗至招魂奠慟屢絕謂夫體
寒將燎遺衣薦之舅姑不從乃曰某當自送耳將縊教
夫弟善事二老囑母家殮事勿傷舅姑財及死啓其篋

則已衣與夫衣皆已牢結之遂並納棺中

同安呂登三妻許氏名酉許子備女夫業儒極貧氏以女
工助之衣食不給宴如夫歿殮畢葬命工營兩穴將殉
不從以手爬地指皆出血妯娌擁之歸縊救之曰無庸
也活一刻多痛一刻耳或曰如舅姑何曰有夫兄及嫂
在越三日復縊距夫死四日耳時年二十一

同安董嘉遇妻陳氏名八娘嘉遇少失怙恃家極貧娶三
月卽糊口他方氏年十七父母憐之促歸寧夫弟二人
其幼竟攜之往居久恐取厭復攜之歸勤女工爲食鹽

衣服使二叔習負販相佐祭祀皆如禮及夫數歲無音
耗父母勸他適曰未嘗相累何苦相迫耶又數歲大饑
食草根及木皮鄰里又勸之曰吾唯不忍董氏數世鬼
餒故爲是不然一死何難經十三歲嘉遇歸未一年卒
治喪畢集族中長老跪告曰二叔幸長先祝有賴願夫
無嗣請以遺地爲祭田後母侵混衆難之定約而去氏
喜曰吾今可以地下見夫矣次日自經死足不離地面
色如生

同安邱氏名引娘母某氏食貧守節引娘適同邑謝玉事

舅姑至孝夫叔老無子事之如舅姑日減餐持齋祈舅
姑及夫福壽後謝玉爲卒被刑氏自縊年二十五

同安林繼賢妻李氏名錦娘軍人開光女繼賢早失怙恃
開光撫成之氏年十六成婚事夫至敬後繼賢充戎幕
卒福州檝至絕粒父勸之曰不敢爲父母辱故如此卒
哭沐浴更衣拜辭父母親鄰從容入房自縊扶尸坐堂
上面色如生年二十四興泉道曾櫻給匾旌之

同安張子異妻李氏名怨娘子異貧儒居斗室氏守禮聲
不外闕後子異覓館南安興疾未至家卒氏夫計必殉

慮姑覺乃從容爲爨呼家人食之曰吾不復爲若具食矣遂入房自縊年甫十八時一日二喪不能備木鄰人捐貲殮焉

同安陳安衆妻黃氏名大娘年二十三夫客死柩至辭父母將殉父母戒之曰死豈易事勿輕言恐爲父母羞歸又與比鄰妯娌訣皆私哂蓋大娘性拙似不慧故難之夫葬請舅勿封以俟屆三旬招魂奠諸親畢集陪待如故少頃入房自經死

同安陳元登妻許氏名七官許若史女年二十二夫歿遺

一孤屢仰藥將死姑救之且責以撫孤越月孤痘殤哭
曰無復望矣不死何待鍵戶更仰藥藥發頭搶地皆破
姑又被戶急救治之甦後數日姑偶出乃沐浴更衣接
二巾自縊

同安黃鼎在妻許氏名良許敬女年十九夫從戎守城城
陷死焉氏哀慟矢殉或以突圍他投寬之乃祝天日惟
一餐以俟耗嘗一至母家母勸以他適不應歸遂與母
絕既經年終無音耗竟自縊死

同安陳肇開妻劉氏名細娘劉開坤女舅振奇事母以孝

聞為經歷卒于官家極貧氏勤女工無夫叔養姑至殯
喪事如禮後軍興築城摩岡役死氏投繯再四妯娌救
甦之因念夫在日多貸人財未償死有遺憾乃益紡績
緘紉所得資盡還債主至大祥日自縊

同安董尾吉妻王氏名英娘王三女尾吉貧不能娶以兵
警乃迎歸經年始合番氏秉禮前此未嘗通授受也奉
姑處妯娌孝而和族戚稱之後尾吉以貧從軍溺死氏
屢見諸夢知凶兆時暗泣偶往母家卽與妹訣及得夫
死實耗慟曰已矣乎遂自經時年二十四既葬墓常有

陰雲竟日不散

同安黃美

一作尾

妻徐氏名賽娘美庶生子貌極寢氏入門

事嫡庶二姑皆孝於夫尤愛焉備至及夫病久奉侍不
懈中希廁臉皆自浣滌夫歿持同納於木促速蓋及
葬又自投穴中家人皆力挽之出居半歲父母將奪其
志遣婢命歸寧叱去之死意益決後於七月七日沐浴
治衣裳以紅帕自縊兩手端束面色如生時年一十八
同安郭氏諸生李躍龍孫婦五月夫死欲殉舅姑防之
毀容不飾至大祥日哭奠經

同安翁氏某帥婢也長適歐妹後妹與氏從帥至吳淞犯
軍法被刑藁葬焉氏痛不欲生帥將爲改配不從及帥
家屬南返舟不泊岸氏望見夫墓哭曰本期負骨歸葬
今不能矣遂投海死年二十三

同安許元妻洪氏名和娘夫客死訃至氏適歸寧泣與父
母訣歸見姑將死姑以夫訃未真慰之及與元同往者
來述元病死狀氏慟屢絕日對靈几低語夜自治殮服
嘗指靈几上衣謂姑曰夫魂歸應附此遂乘閒沐浴服
新衣襲以夫遺衣襲不盡者束而負之背以巾自縊卒

身州府志 卷之十一
時年二十

同安張縣妻黃氏名允娘生一女二子夫爲鄭某誘賭博
且誣以罪拘繫榜掠求賂氏念貧無以應潛袖刃往跪
請甚哀鄭怒益酷氏乃大呼曰吾不死夫不生自刎四
刃乃絕時年二十八鄭遂抵法

同安王忠妻陳氏名懿娘忠客死訃至氏自縊死

以上皆未經旌表

晉江紀廷憲妻黃氏

晉江阮敦禮妻陳氏

晉江楊  未婚妻  氏

晉江吳天士妻張氏

晉江黃燧妻唐氏

晉江楊期鳳妻洪氏

晉江張瞻雲妻洪氏

晉江李源妻林氏

晉江郭必馨繼妻蕭氏

晉江王士林妻黃氏

晉江蔡世望妻黃氏名四娘

見安平九節坊

列女五

晉江高嵩妻陳氏名淑款

見安平九節坊

惠安洪舉妻陳氏

惠安張兆相妻李氏

惠安張孕熹妻李氏

惠安張若長子妻蘇氏

惠安張若次子妻陳氏

惠安張會妻陳氏

惠安王墀妻蘇氏

惠安張定妻駱氏

惠安崇武衛張應岳妻經氏

安溪諸生蘇堪妻曾氏

安溪許天驥妻黃氏

同安張仲戀妻陳氏名淑蘭

以上散見閩書通志及雍正年間未成志稿皆節烈之未經立傳者姑存以待考

泉州府志卷之七十終

皇朝志卷之七十二

列女六

貞烈二

國朝

○晉江陳士蘅未婚妻黃氏歸有期而士蘅病歿氏遂自
經雍正二年 旌表

○晉江徐氏名懿娘許配永春黃成霖未婚成霖客歿于
泉氏年二十聞訃自經兄元輔爲殯殮合葬自是連月
不雨知府劉侃致祭表廬乃雨雍正五年 旌表建坊

崇祀

○晉江黃汝觀未婚妻徐氏夫死自經雍正五年 旌表

祀節孝祠

○晉江胡氏村家女也拾柴回家途遇王路調戲力拒脫歸路晚又潛入其室氏呼路逃氏忿自縊雍正十二年

旌表

○泉州城守千總王祿原籍山西大同妻林氏莆田人父林元徙居泉氏幼通孝經列女傳父亡事母至孝歸祿職職歸道祿調任臺灣卒於官氏聞訃忍死俟柩至哭

迎東郊歸食趙日沐浴更衣自經時年三十遺三書

與弟妹其略曰夫棺至死棺前庶幾不負父母之教無
失夫婦之情唯痛手足永別耳雙親歿矣願弟事舅如
母立志爲人以報所生其一奉舅則謂夫族遠隔歸葬
未能囑以合厝親墳之旁代爲收養嗣子延王氏一脉
也提督馬負書給以匾額乾隆二十七年 旌表建坊

○晉江梁氏錫娘瑞娘乾隆間 旌表建坊

○惠安吳氏名藥娘田家女也甫笄母命往圃取瓜行經
陳景蕉園景見而悅之戲謂曰若敢盜吾蕉耶藥娘置

罵景怒連歐之裂其裳藥娘大聲呼救得脫歸訴諸母
忿甚夜自縊雍正五年 旌表祀節孝祠

○惠安陳氏名珠娘乾隆年間題 旌建坊入祠祀祭

○惠安陳氏名外娘乾隆年間題 旌建坊入祠祀祭此

條據學册不開事實亦不
證明是節是烈始附于此

○安溪陳宗左妻吳氏村民黃偏強污不從氏忿自縊知
縣何審明詳題乾隆十年 旌表

○安溪林鳳妻田氏名快英年二十夫歿七日從容自盡

乾隆二十年 旌表

○同安許彭美黃氏名招娘遇悍卒張考欲強污不從死
事聞考正法黃 旌表

以上皆已經 旌表

○晉江尙書林學會養女阮氏名清霜年二十嫁張開宗
甫一年開宗死越五日阮服嫁時衣鍵戶自經係明貞烈補載

○晉江林彥中妻王氏給諫命岳孫女年二十嫁花燭之
夕彥中陡得危病王氏哭曰死吾分也彥中曰能爲立
後乎諾之彥中卒氏自是臥柩側足不履闕逮夫弟舉
男立爲嗣絕粒顧諸媼曰善撫此孤瞑目而逝

○晉江郭齊楷妻洪氏南安洪聲偉女年二十四夫歿孝
事舅姑義方訓子及夫服闋有年子稍長母家將奪其
志拜哭夫靈夜自縊死時年三十與齊楷禮母郭主靜
妻李氏殉烈同月日夫祖叔舉人知縣應龔爲之傳

○晉江李肇華

通志作驍

妻張氏肇華歿未殮氏盛服拜哭乘

諸親出卽閉戶經于屍旁年二十六

○晉江朱氏歸呂氏子事翁姑孝夫歿旣殮欲殉其家防
之密至卒哭日乘閒鍵戶經死

○晉江高士機妻蘇氏名法觀機胞弟士聚妻黃氏名安

觀郡諸生黃某女順治間遭兵亂一氏閉門自縊死安
海同日死節婦女十有餘人

○晉江高維新妻陳氏順治間遭兵亂赴三官廟邊投潭
而死

○晉江永寧衛林氏夫歐陽八哥以醫遊四方林紡紵自
給順治丁亥山賊至恐爲所污借女子二人投於劉衙
前之池里人葬之時林之母家嫂妹三人一經於臥內
一二赴水死蓋同日有六烈云

○晉江永寧衛林氏歸歐廷琰順治丁亥土賊入據衛城

林率二女赴水死里中女從死者十數人數日屍浮者

相抱持糾結不可解

二條疑爲一人八哥當卽延琰小名但通志兩存之姑仍以俟考

○晉江鄧某妾鳧氏北平人年十七嫡音妬閉之幽室數年鄧歿乃得出哭奠柩前途自經死衣帶中有詩二絕云征塵萬里伴夫君冷落深閨哭不聞薄命蛾眉終見妬一縑送送到燕雲飛燕伯勞今日分斷腸無計暗消魂願縱野蝶依青草攜手雙雙到鬼門

○晉江蘇獻臣未婚妻鄭氏夫歿聞訃閉戶飲泣夜沐浴更衣私囑幼婢曰死必合葬於蘇遂自經死顏色如生

○晉江歐陽氏女名肅娘受林子聘林病迎歸未婚林歿
女誓不更適還居母家未幾二親殞弟幼女勤苦撫教
林家欲議立嗣請女歸女曰吾生死皆林固當往但幼
弟未有託遲之無何寇警欲掠其弟女抱持哀號楚撻
不舍賊帥義而釋之時已委頓抵家氣絕其姊端娘嫁
莊某數載莊歿一慟而死有歐陽姊妹貞烈之稱

○晉江曾氏適陳係素夫歿以夫弟幼忍死撫之至成立
乃告廟曰叔已受室陳氏之鬼不餒矣未亡人今得死
所遂絕粒七日卒

○晉江歐陽復妻黃氏名月娘夫疾請天願以身代及死
絕水漿六日沐浴畢拜辭舅姑就縊死年二十五

○晉江陳元超妻許氏名吉娘元超商於粵卒許聞訃哀
慟欲殉念舅老無依乃止既而舅歿鬻衣殮畢遂自經

○晉江翁嗣光妻吳氏夫卒越七日拜辭舅姑從容就縊

○晉江歐陽却郎妻黃氏年二十四夫歿絕粒數日自縊

康熙
其六年

○晉江蔡氏適吳瓜生瓜生歿蔡日夜哀號水漿不入口
十餘日復自縊

○晉江監生陳豐哲妻楊氏康熙丁巳年泉州城楊氏年

二十四義不受辱懷孕投井死

○晉江王材妻陳氏歸未幾材歿及葬舅又歿越四日縊死鄉人鳩錢以殮與材合葬暨節烈碑以表之

○晉江莊允謙妻陳氏名開琰夫病始婚入門侍藥病篤額天請代明年夫死毀簪珥治喪畢從容自縊其時里麥方秀忽變而枯事與吳節婦相類皆出一門督學史及郡縣有司以匾旌之

○晉江陳允壯妻李氏歸九載無子允壯歿誓不獨生族戚議立嗣子後遂自經死時年二十六

○晉江黃道扶未婚妻鄭氏道扶卒訃至氏卽投繯其母
救甦延至數月竟復縊死死之日大風撼屋屋拔木知
府劉侃給匾旌之南安黃永爲之傳

○晉江莊氏女名完娘許配林仰烈未婚仰烈歿女聞訃
號哭不食從容自縊舅家迎柩合葬知府劉侃給匾旌
之

○晉江吳寶廷妻謝氏名勸娘事姑至孝時寇發寶廷爲
鄉哨長及寇圍城盡遷鄉哨妻子入海至廈門旋令發
配勸娘夜整衣北拜姑引帛自縊

○晉江黃德觀未婚妻卓氏名恬觀卓奕紫女夫歿恬觀年十七聞訃密服投繯卒黃家迎其柩合葬有司給匾旌之

○晉江葉維椿繼妻陳氏名居娘年二十六夫死哭奠畢梳洗自縊顏色如生

○晉江林蘭世妻王氏王東成女年十九于歸更六月夫歿喪葬畢遂自縊神色如生

○晉江林安郎未婚妻李氏名香娘安郎歿氏聞訃常絕粒父母再爲擇黃姓納采時氏擲絳花於地曰兒爲林

鬼不爲黃人至婚期遂自縊距安郎死甫七月氏年十

八

○晉江王垂裔妻許氏年二十四夫歿于海無子氏招魂
哭奠畢整衣自縊顏色如生南安黃永爲傳

○晉江陳國樞妻王氏名貴娘王勳女年十九夫歿絕粒
十日不死自縊知縣某旌以匾

○晉江楊緝妻陳氏名衍娘家寶蓋山前緝賈于外兩子

一女皆幼有強暴入其室欲污之氏力拒被毆死知府

劉侃題扁旌之翰林陳萬策爲作傳

○晉江曾伍與妻陳氏康熙戊午閒海寇犯鄉氏被擄至
吟嘯浦第四橋度不免乘閒躍下死時六月二十有某
日也次日屍浮水上顏色如生衣裳不解鄉人異之相
傳此處每二年必有溺死者俗謂之交代自陳氏死後
遂絕都人感其神異每歲是日必備香楮牲醴橋上祭
之至今猶然

○晉江施世儀妻王氏王商伯女嫁六年夫歿絕粒七日
梳洗繼柩側知縣張召華給匾旌之

○晉江施士魁妻王氏年二十五夫歿無子不食七日自

經死知縣張召華題匾旌之

此條係雍正志稿施氏族譜不載疑卽世儀妻之錯

○晉江曾國翰妻王氏歸四月國翰歿越三日自縊以殉知縣黃錫策題扁旌之

○晉江李璇觀妻林氏名信娘夫死無子投繯死節知縣黃錫策以匾旌之

○晉江姚思懿未婚妻陳氏名攀娘以壻貧悔婚氏死之通判陳疇九作詩以旌

○晉江劉士哲

一作乾官或有二名存以待攷

妻陳氏名連觀年十九歸

士哲不數月夫歿哀號設祭祭畢入室自經知縣葉祖

烈躬詣相視顏色如生禮而斂之

○晉江會兆傳妻蔡氏名招娘忠烈道憲公姪女諸生名臣女年二十四夫歿甫脫服絕粒七日投繯卒雍正八年知縣王之琦給匾旌之

○晉江陳祿妻某氏夫歿子幼舅姑欲奪其志入室自縊
○晉江郡諸生黃憲文妻陳氏夫歿三旬托孤寡嫂自縊
○晉江蔡迪愚妻許氏名慈娘事舅姑至孝年二十二夫歿臨窆欲生從父母舅姑禁之慟屢絕以死自誓三旬奠畢鍵戶自經適父外出俟其歸乃殮經暑五日顏色

如生

○晉江賴天璽妻黃氏黃增稱女事姑孝謹年二十三夫歿絕粒三日送葬歸哭獻畢拜父及姑入室自縊

○晉江陳天鳴妻黃氏黃孕桂女年二十八夫歿事舅孝更二十三年男女婚嫁畢呼告之曰吾所以不死爲汝曹也今可報爾父地下矣遂自盡

○晉江楊綱觀未婚妻許氏名娥娘許恭觀女綱觀往海外二十餘載斷音耗姑及父母遣嫁氏皆不從守貞至年四十一綱觀終不歸遂絕粒死楊家義之迎主祭祀

以綢觀姪爲嗣

○晉江楊博觀妻陳氏年二十四夫歿無子絕粒七日不
死祭奠畢遂自縊

○晉江林汝楚未婚妻王氏王裕曾女名梓娘汝楚歿絕
粒一日閉戶自經年方十七夫家迎柩合葬擇宗支爲
之嗣

○晉江諸生施嘉惠未婚妻王氏同安王詮奇女嘉惠鄉
試歿於福州氏年十七聞訃奔喪接柩慟屢絕孝事舅
姑一年至嘉惠小祥日縊柩側家人合葬之以夫姪爲

之嗣

○晉江朱拱宸妻李氏李士斌女年二十四夫歿殯殮畢
一慟而絕

○晉江黃斌美未婚妻吳氏名惜娘美卒惜娘奔喪乞夫
姪爲嗣事舅姑孝後嗣子長娶婦紳士請匾于有司旌
之遂投繯卒

○晉江黃慶良妻吳氏名邀娘吳榮淑女夫歿大祥哭奠
畢沐浴自縊時年二十五知縣胡格給匾旌之

○晉江周日陞妻陳氏年二十一夫歿絕粒三日梳洗自

給顏色如生知縣程運青旌之以匾家人爲合葬小春
鵲坪

○晉江謝鍾顯妻楊氏諸生國俊女年二十二夫歿一子
繼殤遂絕粒卒教諭黃訓導盧皆輓以詩

○晉江莊文觀妻蔡氏夫歿七日自縊以殉

○晉江林如林良從兄弟也其未婚妻陳氏皆臺灣貢生
雲從女許如者曰猶兒許良者曰準兒雲從之妻嚴氏
不欲其女之涉海行也促爲書悔婚遺其稿二女見駭
之未久林報書至如已別婚猶兒謂準兒曰我不死媒

其來矣作將嫁裝遂自縊越明年林書再至良又別婚
矣準兒曰姊已先行吾待此耳亦死如猶兒猶兒死之
日林如在泉見之癩葬之日有女嚙之口眼歪斜跪謝
乃已雲從之室二女輒現徙宅而空之林家人聞而義
焉設主以祭負其骸歸更葬之處有老婦夜見二女年
可二十許笑謂曰與若爲鄰矣忽不見明朝視之塚迺
其居。

○晉江蔡賓實未婚妻蔣氏年十九賓實卒氏聞訃盡出
裝資分給親戚絕粒七日不死遂自縊知縣黃給匾旌

之

○晉江曾必秀妻卹氏名丑娘卹第觀女年二十五夫歿卒哭拜辭舅姑自縊顏色如生

○晉江吳化育妻李氏化育七歲父歿養於節母傅氏及傅卒哀過慟越十三日繼亡無子李氏殯葬畢曰吾其偕夫侍舅姑矣遂櫛沐投水死

○晉江黃泰觀妻葉氏名勗娘葉齊淑女年十九夫溺海死訃至招魂哭奠三日辭父自縊殯時顏色如生

○晉江丁鎮觀妻蔡氏名千娘舉人鍾璉女年二十七夫

歿齋簪珥殯葬營雙壙豫同穴遂自縊死

○晉江林慶觀妻蔡氏名謹娘蔡以樽女年十七夫歿孤幼鞠養成立於夫忌日會戚族出產業契券囑曰氏夫死命以孤延今孤成立氏可見夫矣遂沐浴自經死

○南安諸生葉

一作蔡

應選妻李氏名瑞娘諸生覺女生一

男不育應選卒遂絕粒潔治衣服伴爲歸寧計家人不及防遂自縊年二十一

○南安吳肇焯妻陳氏晉江陳雨玉女年二十一夫歿以幼子囑姑投繯卒時家有豕忽變白捨之報親寺

○南安趙允芳妻傅氏名敏娘允芳卒傅年二十二無子
奉姑撫夫弟數載有豪弁欲奪其志氏若不聞者爲夫
措窀穸於祖墳之旁囑土工爲留一席地約所善女伴
云將有遠行某日幸相遇女伴疑其戲耳尋白姑曰小
郎漸長婦死無憾矣姑力挽之伴諾夜自經後園橘樹
下卽向所預約之期也

○南安黃攀妻傅氏夫歿誓以身殉擇夫功侄立爲嗣於
小祥日從容自縊

○南安傅氏女許聘貢生吳而升女父後移家臺灣被累

見收女年十五歿入陳某家陳妻劉氏憐女無辜善護
之女恐見辱矢志必死偵室中無人惟舊媪張在側與
之語愴然淚下既而脫耳鑲授媪曰已矣媪出遂投繯
○南安諸生潘錫爵妻某氏夫死絕粒以殉

○南安吳敬祖妻蔡氏名潛官諸生鍾曇女家貧勤女紅
孝敬年二十二夫歿不食數日自縊尸側敬祖母見貞
節傳

○南安許科适妻楊氏名猛娘海氛适充鄉哨與氏及幼
子皆爲賊所擄至廈門适逃歸氏被發配義不受辱棄

幼子道秀自縊死時年二十五後子流落海澄及長歸宗人以爲貞烈之報

○南安潘興妻杜氏名省娘晉江人年二十七夫歿以姑與子托夫功兄祭奠七日畢遂自縊面色如生

○惠安王錫社妻張氏夫歿慟哭幾絕至成服日噶夫兄弟事翁姑遂投繯而死巡按錫匾曰共姜遺則

○惠安王汝妻鄭氏仙遊人順治初被賊掠過洛陽橋投江死越日屍出顏色如生

○惠安王定安妻陳氏順治十三年寇至與子某媳游氏

俱爲所獲子被殺游投井死陳號泣曰婦能殉夫余忍獨存亦難之

○惠安蘇氏各聘娘許字孫高年十七孫高爲虎所啣聘娘聞訃欲身殉姑以年老家貧哀諭遂留奉姑逾年竟絕粒死

○惠安張榕妻林氏婚二載有娠而夫遠遊不返順治閒海氛城陷寇入門奪其子遂與夫叔母莊氏同縊林年二十八有畜犬哀號尸旁不去寇大駭焚其屋火化之犬亦死

○惠安塗嶺劉某妻陳氏年二十夫歿治喪畢登臺自縊
知縣某給匾旌之事在順治五年

○惠安陳孫思妻張氏貢生受鑄女幼讀書識大義歸未
久夫歿卽投井家人救之誓爲立嗣稍解康熙丙辰有
賊寇氏呼兄與訣夜深題壁云獨守冰霜十二秋因將
繼嗣忍身留乾坤此際應裁決免使貞魂劍下休遂投
縊而死經日顏色如生郡人丁煒爲作傳

○惠安陳毓妻劉氏毓沒七日自縊死知縣楊鶴齡給匾

旌之

陳毓
作毓侃

○惠安孫洪籌妻鄭氏母陳訓女最嚴故氏幼卽端莊年二十于歸洪籌已病不能起氏獨廟見越二月洪籌將死乞嗣子於其三兄囑氏撫之氏泣不能語洪籌卒氏謂小姑曰爾兄囑撫孤吾意在從死今當兩成之至小祥自製殮服以線連緹爲一另製素衣以與嗣子闔戶自縊臨川李紱爲表其墓

○惠安張亮妻陳氏亮沒子方五歲氏以死自誓越二日縊死知縣田廣運題匾旌之

○惠安薛得華妻黃氏未嫁而夫歿氏年二十一往夫家

守貞舅姑爲立嗣氏竭力奉養孝道無缺三年姑亡氏
哭慟遂不食七日死康熙五十年知縣田廣運給匾旌

之惠邑另載有薛榮妻黃氏事蹟與此
相同意得華卽榮之字也今不重載

○惠安朱磐妻陳氏諸生明獻女年十八夫歿自縊

○惠安張氏一烈順治甲午賊陷城被逼不屈投火死

○惠安王芝山妻莊氏莊瑜世女年二十二夫歿撫孤事

舅姑孝及舅姑謝世孤歿遂沐浴夫靈前自縊時年三

十八

○安溪亡名氏女順治初寇掠村鄉被迫不從寸磔而死

相傳此女爲林家婦云

○安溪柯仲妻殷氏歸未逾年仲歿七日自縊姑泣救甦
邑豪有強委禽者氏慟籲于官知縣徐騰鯨爲解之數
日自縊死年二十一

○安溪楊淑春妾林氏晉江人春贅林家十日回安溪再
來則病矣氏席地床前侍不解帶交睫者數夜迫除春
復歸家明歲歿而未訃氏猶祈以身代及訃至掩袂哭
不能成聲呼天者再入室縊死楊家迎柩與淑春合葬

年二十二

○安溪李氏名田姑總兵日煜女藍國圖妻歸三月夫卒
絕粒七日外家往視強起縞素拜辭舅姑曰婦人從一
而終命矣夫闔扉奄忽而逝年二十二

○安溪林構成妻李氏名纘娘年二十四生子錫奎而構
成卒奎四歲病危氣絕李告舅姑曰未亡人所以不死
者爲林氏三世祇此一孤今孤又歿不能復生矣一慟
而殞移時奎復甦祖父母撫養成立奎子瓊舉人

○安溪高洛未婚妻詹氏名京娘父母早亡依叔洛外出
不還舅姑許改嫁氏守義不移待字二十載聞洛卒投

溪而死撈出顏色如生事在康熙辛卯年

○安溪王熙載妻林氏年二十夫歿不食數日卒

○安溪林氏名素娘適白元暢年二十一夫歿撫夫姪爲嗣七歲而歿慘慟自縊家人救甦後防稍寬梳盥整衣裳復縊卒

○安溪李濃雲妻鄭氏未婚夫病危氏年十九往侍藥六閱月夫歿哀慟而殞

○同安二烈婦失其姓順治戊子寇亂嫂與小姑避賊石馬寇至挾小姑不從以及擣其胷血濺寇面死於杖

嫂又不從寇亂斫之二屍顏色如生

○同安杏根塘膽治年間有騎兵挾女數十一女散髮出馬自沉於水索之不得四五日後有弟自漳來匝塘一慟屍自浮出竅血汪然

○同安陳是演

一作是演

妻周氏夫卒慟絕復甦私辦殯具至

卒哭日沐浴更衣縊死

○同安義娘失其氏

觚膽王氏

鷺島人也甫及笄遭亂被擄以

頭觸石幾碎行至東嶽道旁有井投而死其後天寒月白每見一女子往來井畔康熙十二年鄉人蘇貴慶見

女子曰吾屍陷井中君能出而瘞之乎吾厚報子於是
鄉人掘井果見白骨以素練衣裹合之毛髮森然及葬
素練俱化爲水鄉人異之爲立祠於墳上號曰義娘井
曰義井時有病者得井水飲之卽愈道路之人多以竹
筒盛水而去外省亦著聞焉

○同安紀四妻蔡氏名五娘順治丙申賊掠其家劫以刃
不受辱賊殺之至死猶手執衣帶不脫

○同安黃安觀妻許氏名高娘夫亡慟絕復甦者屢及週
年父母誑使歸寧欲奪其志氏於夫小祥日伺母外出

遂自經死

○同安陳泗觀妻黃氏名二娘夫卒自縊死

○同安黃興妻莊氏興以唱戲爲生時或寄其餘資付氏爲事翁之費翁歿氏賣薪市棺不給泣貸富家期以夫回刻償及夫病客所求夫之中表與幼弟偕行覓夫扶歸夫卒氏悉出其弊衣殘器以償負者服藥而死隣人

義之爲殮而合葬焉

此條省志誤入晉江

○同安諸生周之翰妻鄭氏康熙甲寅年寇夜掠氏恐見

汚赴水死

○同安吳子俊妻林氏夫死卒哭日縊家人解之復引藥自刃皆以救故不獲死乃佯爲歡笑如常防稍懈自縊

○同安林忍娘從夫以軍籍汎海澄夫死哭奠畢自縊

○同安劉畿妻葉氏夫爲盜所殺葉卽自經以殉

○同安劉脩妻鄭氏名隨舍舉人中階女年十八嫁夫夫歿明年投繯死

○同安林氏名城娘適邑坂上陳氏子夫死林年十七遂以夫魂帛經死

○同安陳雙妻黃氏雙死自經以殉鄉人義之與葉賞妻

周氏同立祠於灌口名雙節祠

○同安葉履朝妻郭氏諸生子璋女家貧脫簪珥佐中饋夫亡時年二十四段形絕粒而卒

○同安楊六妻王氏夫死年十七撒帷之日集父母兄弟曰勿驚吾繼姑也投繯而逝

○同安沈勇妻楊氏夫死自縊殉之年二十四

○同安陳京妻許氏名初娘爲豪家所逼義不受辱被豪擊死屍無完膚後豪每見許爲祟暴死

○同安諸生劉宗道妻李氏宗道以乩仙被執李不肯上

馬被裂其屍英魂不化至今西源人祠之

此條據縣志文理頗不可

解未敢以億度
改訂姑闕其疑

○同安蔡塘鄉曾家婦陳氏曾溺死陳自經

同安魏準生妻邱氏夫死年二十二母勸其再適不從
夫小祥日自盡

○同安陳陣舍未婚妻紀氏名寬舍陣歿寬奔喪入視陣
目不暇寬拭其目矢以身殉哭奠十餘日投纆姑解之
復甦諭之曰烈女之後歲多太旱汝以一人累一邑不
如無死爲愈寬曰無庸憂也我死將殮置水一碇於棺

下有旱所雨以此水潑吾棺雨即沛竟再投繯而死後
果大旱以其言試之立驗

○同安劉氏名宜娘許字蔡德德死宜娘誓不再嫁有
婚者至遂投繯死

○同安李燕未婚妻林氏名科娘燕力學疾卒科娘聞訃
沐浴更衣自縊以殉纒絕墜地挺立不仆前一夕里人
夜見神燈千餘從隸岸至其家知縣徐以匾旌之

○同安諸生鄭毓濬未婚妻洪氏名標娘毓濬試臺灣
被風飄逾年無踪父再議婚不從遂自盡

○同安林氏名雅娘許字海澄謝昂昂病劇母彷彿見女子榻前以爲祟也履之如故昂死雅娘自縊昂母憐之往視其殮驚曰曩之日侍兒病者乃吾婦耶吾習其家久矣兩家異之合葬焉

○同安張氏許聘陳鄭鄭歿張年十九聞訃奔喪越三個月自縊死與郊合葬

○同安黃氏名奕娘許字王鳳鳳歿臺灣訃至奕娘自縊

○同安陳氏名八娘許字林萬燧聞夫死以身殉

○同安吳氏許字林楚楚歿氏年十九聞訃奔喪一慟而

絕

○同安石氏名錦娘許字林原原歿錦娘聞訃服藥而斃
○同安王對妻昭娘遺其姓對舟行覆死昭娘設奠週七
七沐浴更衣自縊

○同安王允觀未婚妻郭氏名富娘年十八允歿氏聞訃
奔喪慟絕王家懼送歸遂投緘而死知縣劉親奠表其
門

○同安郭定紹妻葉氏夫歿殯殮畢自縊雍正三年祀節
孝祠

○同安諸生郭朝藩妻馬氏夫以省試放歿氏于卒哭自
縊雍正七年祀節孝祠

○同安陳氏子未婚妻張氏年十九夫歿奔喪事舅孝更
十年嗣子弗類嘆曰吾望絕矣遂自經

○同安林屠未婚妻盧氏盧國海女夫歿請奔喪母不許
乃絕粒自製喪履履成適有議婚者遂自經時年十八
晉邑諸生黃夢琳爲之傳且製以詩

○同安陳錦郎未婚妻周氏名菊娘周岐裁女錦郎卒氏

精赴陳守節父母不從更數日遂投井死時年十九

○同安莊時悅未婚妻施氏名姒娘施奕燦女時悅卒痛不欲生格於父母不得奔喪踰年父母議改適乃密屬鄰婦引至夫家拜見舅姑請爲夫立後舅姑哀其意爲置繼嗣閏九年見嗣子漸長遂自經時年二十有九

○同安池繼英妻黃氏名業娘黃衮女夫歿無子以兄幼子爲後氏卽欲殉夫舅勸之撫孤無何舅卒孤殤氏勤女紅爲夫還負債畢遂服毒而死時年三十有二

○同安林君發妻周氏名潤娘舉人鶴山女嫁牛載夫歿持服受奠如禮既卒哭遂絕粒而死紳士益帛以詩

○同安蔡正妻盧氏名惜娘盧言女年二十一夫歿殮葬
畢更衣自縊與其妹時同月日

○同安杜惠光才婦妻陳氏名玉娘陳英世女性幽靜勤
緝織年二十閩惠光歿卽於是夜投井死

○同安蔡君坦妻彭氏名京娘歸三載未有子夫歿殮葬
歸窆將殮家人救出自是嚴防之京娘朝夕奉奠如常
日晨起出汲伴僮仆帶濕衣入獻羹飯託言入室
更衣卽閉戶自經時年二十有五紳士私謚曰貞烈競
爲詩歌輓之

同安葉鳳喈未婚妻蘇氏名獮娘蘇良甥女鳳喈卒與其母豫定死期自製周身衣服請舅姑至家拜訣囑以槨葬合葬爲夫立後囑畢與女戚訣別從容投繯而死時年二十知縣胡格給匾旌之

○同安陳植璧未婚妻周氏名姜娘貢生岐寶女植璧歿聞訃慟絕將殉其母防之甚周閏八月值其母歸寧乘閒投井死知縣明新給匾旌之紳士競爲詩歌以弔輓焉

○同安余興世妻黃氏黃旦女歸二年生一子夫歿孤繼

殤遂自經死時年二十有一知縣鄒召南表其閭

以上皆未經 旌表

○惠安李溪世妻張氏

○惠安張璟妻林氏安溪人

○惠安陳白舍妻王氏

○惠安張學衡妻何氏

○惠安舉人陳正陞未婚妻張氏

○惠安何家驥妻王氏

○惠安黃廷珪妻陳氏

○惠安黃嗣烈妻陳氏

以上皆雍正年間未成

者姑存以俟考

續修貞節

國朝

○晉江陳德江妻曾氏年二十九夫歿事姑孝撫三子成立督學周學健旌以匾氏卒年八十八

○晉江莊元昆妻謝氏年二十一夫歿事舅姑孝撫子鎬

爲諸生氏卒年八十三

○晉江蔡士聰妻周氏年十八夫歿家貧無子守志持齋
終身卒年七十二

○晉江黃福唐妻呂氏諸生晟英女樂亭令黃賜英婦年
二十八夫歿事姑孝撫子天保爲諸生氏卒年六十八

○晉江郭士旻妻陳氏舉人教諭陳庚元長女年二十五
夫歿孝養舅姑撫週月子成立氏卒年六十五

○晉江周拔霄妻莊氏年二十六夫歿力貧事姑撫四歲
幼子成立氏卒年五十四

○晉江郭章武妻吳氏年二十八夫歿事姑孝撫三歲幼

子成立氏現年五十

○晉江陳朝祝妻阮氏年二十一夫歿事舅姑孝撫三歲幼子成立現年五十

○晉江黃世輔妻李氏年二十八夫歿撫子成立孫鳳騰爲諸生

○南安洪邦光妻蔡氏長泰舉人任善化令蔡洛之女年二十一夫歿舅鵬爲電白訓導家於粵先卒氏孝事兩代嫜聞維謹及祖姑與姑謝世計異鄉非守節地卽揭幼子應昌回籍道經漳其母若兄以父現居官欲畱之

居泰氏不可至家拮据育子成立既爲諸生復歿氏仍
撫其孤孫現年七十餘歲

○南安蔡思天妻葉氏年二十七夫歿事舅姑孝撫三子
成立現年六十八

○惠安諸生曾士林妻劉氏年十九而寡無子佐嫡撫養
嗣子成立卒年七十三

○同安蔡錫達妻謝氏年十八夫歿事舅姑孝撫三子

成立卒年七十三

以上皆未經旌表

名媛

宋

晉江人官內翰蘇紳妻魏國太夫人陳氏龍圖閣直學士
從易女而丞相頌母也從易守廣州有清德為仁宗所
知元豐中神宗問頌母誰氏頌以從易女對神宗曰天
聖閒學士耶從易紳頌皆嘗守杭夫人三至杭即題即
柱云吾少從父至此中與吾夫偕來今同吾兒凡三閱
江山之勝蘇文忠挽詞雖鳴為善日日新八十三年如
一晨豈惟家室宜壽母實為朝廷生異人

晉江曾氏曾會女而魯公亮妹也嫁侯官御史王平封

金華縣君生子五人同向固同罔皆有學行罔爲有道
蕭宗向罔尤有文三人皆身在隱約而聲震天下縣君
愛其子祿於京師而魯公方當國然處里舍彌約及其
後罔向固同皆早世人謂不堪縣君能自廣以理未嘗
亂其志教養其子孫至男有立女有歸

晉江謝伯景母某氏好學通經自教其子有女希孟爲進
士陳愛國妻所作詩百餘篇歐陽脩稱其隱約深厚守
禮不放有古幽閒淑女之風

晉江人贈徽猷閣待制傅察妻趙氏趙清獻女也宣和七

年察以吏部員外郎遣接伴金使爲金所殺及察櫬還
趙攜子自得自脩避地于泉葬察郡西南之太平嶺卽
家焉郡守王十朋挽辭哀能變國俗貴不御鉛華

晉江留恭妻徐氏丞相正婦事舅至孝訓子元剛登科甲
晉江呂仲洙女名娘子父疾篤娘子焚香祝天求以身代
母股爲粥以進時夜中羣鴉遶屋飛噪仰視空中大星
曄煜如月者三翼曰父瘳女弟細娘亦相從拜禱娘子
郤之細娘恚曰豈姊能之妹不能耶郡守真德秀嘉之
表其居曰懿孝且爲之記

身亦片記 卷之七十一
惠安盧氏蔡忠惠襄公母忠惠慶歷初爲諫官有除授非
當者屢封還仁宗遇忠惠益厚曰有子如此母賢可知
特賜冠帔以寵之

同安楊國安女父患血疾逾年不愈女取肝爲粥以進父
疾隨愈里人林士元有記

同安曾三娘年及笄流賊煽亂其父被虜三娘乘馬操戈
率衆陷陣欲救其父見勢不敵遂自刎死每夜其地常
聞馬跡聲鄉人築宮祀之

惠安盧琦妻陳恭人名懿字孤徽幼涉書史事琦三十年
賓敬如一曰遇事規箴琦所至以循廉稱琦歿吏民咸
致奠賻恭人曰君生不貨死而貨之非其志也一無所
受

同安陳貞女父大臨母張氏以至元壬午生依父母不忍
嫁其女事不出戶持父母喪及嫁二妹相其弟咸有條
理季妹適康早世遺一女收育教誨得其所歸年五十
八卒至元己卯林州判岡孫爲之誌墓

明

晉江朱則文妻陳氏歸不逮事舅姑而思慕出於至誠事其母最篤洪武初備兵荒家甚窘慶神稱其夫婦孝感天將賜金未浹旬有光見臥室中發其處得白金三百餘勸夫勿營資產盡易粟分賑窮乏永樂中母歿夢如前復得金一百餘以營殮葬迨夫歿羣鼠叫於棺下聲甚異發之又得金首飾條脫以襄喪事償負直于鑑爲諸生赴省闈三場試題皆先期見夢後無不符遂登鄉薦郡人稱嘆爲立孝感坊鑑後官至都御史

晉江翁氏御史慶長女也慶奉勅巡鈔四川不避權貴又

奉勅代當山獻元帝眼珠賜一品服以行亡何坐累下
獄慶無子女詣闕上書請代仁孝皇后召入宮留之三
月爲宮中文師人以比緹縈

晉江葉氏名三娘葉清居女父母俱歿弟幼族有禍心氏
終身不嫁撫幼弟成立卒年七十二

晉江杜義姑素失父其弟華幼姑從母撫弟弟稍長姑許
人矣杜之宗人利杜母寡子幼有所覲而姑爲其母堅
持家內外勤然不假借杜宗人覲無所得誣謗之所許
家爲絕婚姑憤而不嫁久之弟華長娶於王生子崑華

復天媿姑與王相堅以節益爲杜治田疇濬陂塘貽子
孫世世列年七十餘卒杜之子孫葬之先墳傍與其先
人並祀姑有婢亦隨姑不嫁惜失其名邑人李光縉爲
之傳

晉江黃光瑀妻郭氏年百有三歲其夫教授生徒知府趙
恒受業焉郭知書通道理恒治家嚴每訓督子孫過當
趙之子孫必迎氏爲解恒長跪受辭焉

晉江太宜人郭氏諸生潘維城妻方伯洙母也父立彥爲
尚寶卿旣歸城事舅孝謹事庶姑如其姑事夫之兄弟

無所不和敬佐城讀書非城休不敢休城病太宜人已
老尚侍榻寢累月少受文史無不徹通最好太上感應
篇古今格言下至本草通書亦經覽閱作詩示洙願子
爲官廉以德殊勝班衣舞老萊詠牡丹詩人生名利等
秋葉惟取丹心天地裁雖漆室憂國形管咸家未之讓
也少從父京邸一一能記當日朝政若嚴分宜張司馬
王中丞陸錦衣始終成敗老而爲諸郎述之如歷馬

晉江封太安人陳氏廣東副使金時舒母也歸處士金重
寶事繼姑盡孝或朴或譴罔不承順泉俗婦人旣老多

斷遣家事拜佛持齋惟太安人巫兒齋媪絕不得通夫
之仲弟絕嗣臨歿托太安人孤女太安人居常不使離
左右于歸之時太安人疾革矣正襟危坐教之婦道而
後遣之壽九十一歲

晉江柯遷之母羅氏有賢德當王陽明倡學東南時勉遷
之使就學曰是以道鳴者盍往從之富貴何物徒矻矻
章句閒與衆人同趨好耶

晉江人官叅政葉寬妻陳氏寬爲蒙城令時邑故無城流
賊劉六等突入境寬先往謁守鳳陽獨氏在署乃衣丈

夫衣繫印肘後馳馬入鳳陽與寬時謂令婦正不減令
晉江人官教諭何燭妻林氏名金襍通文墨性至孝少哭
父母哀鄰媪爲之輟食歸燭祀先潔蠲教子女有則子
喬遷大理評事喬遠工部侍郎

晉江賴介石婢吳氏介石與妻相繼卒遺三男皆幼饒於
財厥弟利之夜縱火潛焚廬死其稍長者次與三偶登
梯戲叔潛踢梯次墜殞三仆地亡魂介石之甥侍御陳
儲秀適在賴家憐之置膝以袍覆之甦然亦意謂梯自
墜也吳氏知皆叔所爲懼盡夜負之逃乞食郡市市人

義之爭致錢米遂稍贍買屋以居掘地得窖金數千致
巨富子南溪旣長母事吳還故里清集業悉充公且釋
乃叔舊怨皆吳教也南溪生子二長貢於鄉次由郡庠
升國學孫入泮者數人吳皆及見之壽八十餘卒大學
士黃景昉爲之立傳書其神主背曰百世不祧蔣德璟
號爲貞義衍宗吳氏

晉江莊自警妻蔡氏入門未數日脫簪珥充舅喪費姑病
抱起居七八日寢食俱廢姑氣絕三四時猶抱不忍釋
手朝夕哭奠哀動舉家莊用賓言曰余門自得蔡氏婦

幾無悍婦余書其事淚尙漣漣下也

晉江楊時春妻林氏姑張氏患瘋疾不能屈伸凡起居皆林與時春扶抱授餐則林口飼之歷三十年不衰

晉江武舉秦鍾城妻黃氏黃龍女也龍任廣西都司鍾城同氏隨任舟中病篤氏年二十二引刀割股減算以延夫命鍾城愈相繼生二男迨十年而鍾城卒氏課二子成人拮据葬舅姑年八十卒

晉江郡諸生黃高孕妻蔣氏蔣光範女事姑周氏至孝姑病垂絕呼天請代姑甦曰死免矣冥冥中有代吾者越

二日蔣卒

晉江人官富峪衛經歷施天德女腹娘母蘇氏生二男夫
德歿男皆夭腹娘乃其遺腹女也稍長母繼歿腹娘誓
志不嫁以存宗祀立姪爲父嗣又歿更立乃成卒時年
七十一知縣陳爲之題匾曰奇男子 國朝教諭何奕
奇詳請 旌表卽以三字勒諸坊

晉江舉人蘇文昌妻潘氏字燕卿方伯洙女性柔淑能詩
著有玉蘭館詩草女鳳輯以行世同時有郭焯妹官淑
與燕卿結詩社別見自編集又有蘇似卿者亦有詩集

燕卿爲之作序

南安鄭陽時妻林氏名姆恩晉江戶部郎中性之女也少
隨父官邸通小學諸書及古嘉言善行旣歸陽時生一
子維嶽敏進妾媵於陽時維嶽旣就學時時佐之讀曰
讀書非但欲曉其字句而已當觀古是何人能如此也
當陽時兄弟析箸時不無相構姆恩德惠爲辭讓曰兒
之佳惡豈在財哉至其平生不肯通官府一稅錢也曰
食土之毛而闕其稅是皆有神明勾籍焉老而紡績不
衰時舉敬姜之言爲諸孫誦之維嶽仕曲靖府同知

南安李義姑年十四父憫大辟攀訴竟不可脫時母兄先歿二弟一侄尙孩姑所以撫之萬方既成立里媪來言可覓伉儷姑笑曰吾已營邱壠年八十卒人稱爲貞孝義姑

南安黃思通妻吳氏有以鬻女贖罪金遺於門者氏拾藏以俟遺者反索號曰二命俱休矣卽出與之其人祝曰無以報媪願天賜媪所少者時未有子其月卽娠生子翼登舉人官同知

南安監生陳元奎妻黃氏身病與夫躬進湯劑封臂和藥

而舅愈

南安黃貞女少失怙恃兄客死貞女不嫁佐嫂撫姪姪女長亦不嫁佐姑與母撫弟弟樵於山裏飯往有老翁丐取其餘謂將供姑與母及姊乃復投畀之歸家啓視則燦然明珠也後家以富子孫多登仕籍乃建賜珠堂祀二姑爲不祧祖名得珠處爲仙蹟巖

南安人名佑娘失其姓幼許陳某未婚而夫喪明且極貧父母議更適佑娘不從陳將娶父母不許佑娘乃潛之毋姨家借簪鏡義之資以衣裳入門泣拜姑執婦道夫

以佑娘富家女頗難之佑娘曰男子代父女子代姑際此夫復何恨孝順終身無間言晉江蔡忠烈道憲公爲之傳

惠安張襄惠岳妻陳氏叅政睿姪女岳徵時貧爲外家所輕同襟王家子以貧驕之嘗往賀婦翁生辰僕引岳就館誤至王所疾呼往別室氏詰旦勸岳遄歸事岳益謹睿聞戒其家人曰無易張婿他日名位在我上後果貴顯氏封淑人

惠安人官侍御陳濬母張氏濬巡按山東遣使還寄一箋

封識甚固隣姬相詫以爲長物氏曰吾兒素不貪汗必
圖籍也啓緘果然衆皆驚歎傳爲美談

惠安黃克晦妻戴氏事姑以孝聞嘉靖閒倭寇猝至子伯
羽方數月負姑以逃棄伯羽舂臼中數日寇方退比歸
無恙人謂孝感之報伯羽舉人官助教

安溪潘四郎女四娘本福清人洪武中倭亂隨父遷徙念
父母全經險難萬死獲生不忍遠離撤環瑱備養至老
不嫁及卒葬相傳有神人護其塚

安溪潘按妻林氏名亥娘舅疾不愈氏割股和米煎粿以

供舅頓愈

同安洪溱妻葉氏侍郎朝選母也其始入門舅已卽世獨其姑在姑有二女皆未行宜人出其簪珥衣服上姑曰以此行長姑以此行次姑姑大喜朝選舉進士受封時諸貴人母相與酒席歡宴車服華煥婢女靚麗宜人獨居鄉課諸婢僕耕織而已家事外語絕口姊姒閒朝選權稅浙關三年滿借貸歸宜人曰善勸溱資給之至其叅政廣右頗用刑威宜人聞不善也謂杖人至十足矣何用重爲每遣人至即舍曰必以語汝主我語如此

同安人官侍郎洪朝選妻蔡宜人其父大賈也適朝選為
諸生家卑狹淖泥滿庭蛛絲垂繭戶粘壁宜人安之
遇客至或餉田夫親與媪婢均勞苦見洪家紡織心悅
之晝夜從媪嫗女輩學紡久之其紡縷可雜苧紗蠶
絲織為衣布乃與坊郭中上家婦女衣布不二從官即
舍紡績啖菜食蒸而已嘉靖中避寇周氏妹之堡賊忽
至堡下宜人指井與朝選訣曰堡若陷索婦於此矣
同安鄭星女幼約婚曾氏曾為不善義當絕女終身不嫁
遂能化其一家兄弟三人不析居而星女為主內政其

兄宗貴者年三十餘喪偶感女弟之義亦不再娶

同安諸生李躍龍妻洪氏夫家貧常客遠方氏紡織以奉舅姑遇病藥必先嘗子婦余氏事氏亦孝氏老病暈絕婦七日夜水漿不入口假寐得夢云欲愈姑病宜服人肉卽剖股以進知縣熊汝霖題匾曰儒門雙孝

同安王某妻林氏事夫無忤夫素爲匪一日淫某氏女女父猾胥獲之將殺焉王百方求免不許曰吾女污矣誰娶者必棄若婦而納吾女乃可王曰幸甚胥使王誣婦姦詣官判離婦猝被逐歸母家不嫁私遺姑餉其後胥

女生二子矣夫商於外爲盜所殺胥女旋棄去婦聞涕泣迎屍朝夕饋奠而養其二子

同安蔡公受妻李氏名佑姐家貧事舅姑極孝姑病祝天割股調羹以進遂愈崇禎辛巳直指李嗣京匾旌其門同安義嫂失其姓明季寇掠承姑命棄子背小郎走遇賊小郎被殺嫂自拔水死

國朝

○晉江人贈朝議大夫下梳妻陳氏惠安御史玉輝女按察煒母也少習四子孝經毛詩女誠知大義及歸梳事

姑孝相夫以禮年二十四而寡訓子至嚴夜命背書弗成誦則於夫靈前慟而撻之嘗與夫兄弟共治書室爲子若姪絃誦地旣而夫兄謁銓豐池館以供資斧氏愆畧成之無所分取夫弟將析居姑不欲離少子推宅與之移居他室以晨昏稍遠復留五百金爲姑滫瀡之費值海氛有叛奴充邑役倚吏勢將不利諸孤盡斥金鏐釵飾約五百金以免於難卒年三十五後以子貴

贈恭人

○晉江人移居華亭林紹顯妻黃氏性至孝舅姑同病篤

顛天割臂分投藥鎊以進飲之皆愈鄉老白有司旌之
夫叔嗣環志其事

○晉江劉冀官女名異官性至孝少喪母撫於祖母年未
及笄祖母病篤禱天剖肝和藥以進血崩潰數日卒

○晉江人官提督吳英妻蔡氏英蚤歲從戎遠出值寇亂
蔡流離顛沛中必負累代木主以行及英貴入籍莆田
氏好施與凡橋梁寺觀脩造皆力爲之丙子莆大饑盡
發貯粟三千石復捐金糴海米數千石散給饑民全活
數萬課子應麟應龍應鳳應鵬應鯤俱登仕籍累

身少月元 卷之十一 三
封一品夫人年六十四卒

○晉江許其崑妻陳氏其崑遊學遠方姑病危劇不離床
褥氏抱持閱月日夜弗懈脫簪珥易參荅辛苦勞瘁嘔
血數升姑瀕死者屢號天願以身代及歿不食數日喪
殯如禮夫祖叔延楫爲立孝婦傳紳士請於知縣黃錫
策題匾褒之

○晉江蔡宏烈妻王氏名謹娘事姑至孝姑病篤割股肉
和藥進姑遂愈知縣葉祖烈給匾旌之

○晉江黃氏名愛娘黃愿女值海氛鄉有謝拔者黃家世

僕也恃其弟爲賊魁擄原脅定婚思洗去僕羞氏稍長
深以爲耻屬寇畧平原歿謝拔之子充縣役貫通遂以
悔婚疊訟氏於公堂斷髮自誓且言曰女子年長自應
婚嫁但以翁夫妯娌易平日奴婢之呼恐辱宦祖願奉
母終身耳縣不聽差押完聚氏見事勢已迫服毒而死
兄捷鳴冤復以及造擬流知府常光裕按審得實通詳
上憲重責謝拔父子枷號氏墳以紓衆憤因成例不合
未請旌表常光裕及督學史陸輿皆給匾旌之

晉江陳貞姑父年老喪媪無子貞姑未字治女紅以奉

甘脆自誓不嫁父年九十五卒貞姑哀痛繼殞里人比之北宮嬰兒云

○晉江人官都憲蔡仕舛妻施氏舉人教諭德馨女歸時極貧常煮糲糠雜薯葉爲食勤紡績供祀事及仕舛宦遊於外氏在家撫孤姪如已子悉爲婚娶以舅姑窶窶未安朔望祈天稽首以百計叩地有聲累封恭人衣皆布素且多綻補遇貧苦則盂粥必分後無疾坐逝篋中猶存嫁時衣加命服以殮

○晉江朱達女名寶美因父母無男終身不嫁孝養無缺

及父母歿復置祀達充八宗祠以延禮祀卒年八十三
一知府劉給匾旌之

○晉江人官上海令陳善妾嚴氏蘇州常熟人其父嚴麟
如來陳善病將死氏祝天願減算活父不愈割臂肉和
藥進乃愈氏年八十一卒嫡子士芝爲之傳

○晉江吳氏名青蓮陳成觀婢也成觀歿妻王氏遺腹生
一男甫週歲舅年六十夫弟九齡王氏將死囑之青蓮
青蓮時年十七勵志守貞終身不嫁復立繼嗣以輔王
遺男仰事俯育無缺於禮青蓮現年六十二王氏之舅

壽終已葬之弟遺子嗣于皆底成立都邑二齊之

○晉江丁按察煒女名報珠字含章嫻吟咏未嫁而卒

○晉江貢生陳一策妻吳氏名班字玉姿提督英孫女恭議道應麟女著有綺窓遺吟一卷頗洗去脂粉之習

○安溪林踵觀妻趙氏名和娘舅老病危和娘禱天割股密和藥以進舅遂愈

○同安諸生王明妻余氏海澄人事舅姑至孝姑病禱天割股調羹以進姑夢白衣神人護之遂痊

○同安諸生周子培妻粟氏割股事夫知物節

麟采徐名觀俱題匾旌之巡撫張伯行亦表其閭

○同安副將陳昂長婦胡氏割股事姑有司給匾旌之

○同安人官提督陳倫炯妻胡氏事姑孝姑病危割股和藥以進遂愈

○同安葉在繪妻鄭氏年二十四未子脫簪珥爲夫置妾事姑孝順維謹姑年九十卒哭之盡哀感動路人終三年喪氏亦隨卒邑令朱奇珍扁旌之

按同安志載入廣善今附於此

右列女自一至六終

泉州府志卷之七十一終

康州府志

卷之七十一

十一

泉州府志卷之七十二

垂戒

彰善癉惡闕廷命討之公好賢惡奸亦里巷愛憎之
性泉之士大夫其立德立功立言堪垂不朽者既不
厭大書特書用勵將來矣其有居心傾險行事卑污
者梟置之不論不議之列非所以示懲也夫自古賢
奸僉生豈能盡絕懷王之輩獨恨此數人者居然習
詩書負才名登科甲歷顯位而虺蛇其心狐鼠其行
殆吾夫子所謂鄙夫患失無所不至者此真科目之

羞士林之玷也然則立身一敗萬事瓦裂千百世下
猶將指其名而唾罵之可不懼歟志垂戒

宋垂戒

呂惠卿

升卿

和卿

蔡確

呂惠卿字吉甫南安人嘉祐二年進士爲真州推官秩滿

入都見王安石論經義意多合遂定交熙寧初安石爲

政力薦惠卿於神宗及設制置三司條例司以爲檢詳

文字事無大小必謀之凡所建請章奏皆其筆擢太子

中允崇政殿說書集賢校理判司農寺司馬光諫曰惠

卿儉巧非佳士使安石負謗於中外者皆其所爲安石
賢而懷不嫻世務惠卿爲之謀主而安石力行之故天
下僉指爲姦邪近者進擢不次大不厭衆心帝曰惠卿
進對明辨亦是美才光曰惠卿誠文學辨慧然用心不
正願陛下徐察之江充李訓若無才何以能動人主光
又貽書安石曰諂諛之士今日誠有順適之快一旦失
勢將必賣公自售矣安石不悅會惠卿以喪去服除召
爲天章閣侍讀同脩起居注進知制誥判國子監與王
雱同脩三經新義又知諫院爲翰林學士安石求去惠

卿使其黨變姓名日投匭上書留之安石力薦惠卿爲
叅知政事弟升卿無學術引爲侍講又用弟和卿計制
五等丁產簿使民自供手實尺椽寸土檢括無遺至雞
豚亦徧抄之隱匿者許告而以貲三之一充賞民不勝
其困又因保甲正長給散青苗使結甲赴官不遺一人
上下騷動鄭俠疏惠卿朋姦壅蔽惠卿怒又惡馮京異
已而安石弟安國惡惠卿姦諂面辱之於是乘勢併陷
三人皆獲罪安石以安國之故始有隙惠卿既叛安石
凡可以害王氏者無不爲韓絳爲相不能制請復用安

石安石至猶與共事御史蔡承禧論其惡鄧綰又疏其
兄弟強借富民錢買田出知陳州久之以資政殿學士
知延州丁母憂詔於本俸外特給五萬惠卿更請支萬
五千御史劾之帝曰惠卿固貪富然嘗爲執政治之傷
體姑責以義可也元豐五年加大學士知太原入見將
使仍鎮鄜延惠卿知之見帝云陝西師非惟不可攻且
不可守要在大爲形勢而已帝曰知惠卿言是陝西可
棄也豈宜委以邊事數以輕躁矯誣之罪斥知單州元
祐初惠卿見正人彙進知不容於時懇求散地於是右

司諫蘇轍中丞劉摯皆條奏其罪惡乃貶建寧軍節度副使建州安置中書舍人蘇軾當制其貶辭畧云惠卿以斗筭之才穿窬之智均輸之術自同商賈手實之禍下及雞豚始以帝堯之仁姑試伯繇終焉孔子之聖不信宰予尙寬兩觀之誅薄示三苗之竄天下傳誦稱快

焉紹聖中復觀文殿知延州夏人復入寇惠卿脩米脂諸寨夏人引去惠卿自爲功求詰闕不許加武勝保寧兩軍節度使徽宗立易節鎮南因曾布有宿憾徙爲杭州而用范純粹帥延治其上功冒罔奪節度布去位復

武昌節度使知大名數歲又以事致仕崇寧五年起爲
觀文殿學士知杭州妖人張懷素事連其子淵配沙門
島惠卿責神州團練副使安置宣州再移廬州復觀文
殿學士爲醴泉觀使致仕卒贈開府儀同三司初安石
退處金陵徃徃寫福建子三字蓋深悔爲惠卿所誤也
雖章惇曾布蔡京當國咸畏惡其人以是轉徙外服訖
於死云升卿資性慘刻喜求人過與章惇爲黨惇謀盡
殺元祐諸臣遂以升卿察訪廣南臺諫陳次升力沮之

乃止

舊志參
隆慶志

蔡確字持正晉江人有智數尙氣嘉祐四年第進士調邠州司理叅軍以賄聞轉運使薛何行部欲按治見其儀觀秀偉召與語奇之更加延譽韓絳王安石鄧綰交薦歷御史裏行王韶開熙河多貸公錢爲秦帥郭逵所劾詔杜純鞠治得實安石卻其牘更奏遣確確希意直韶旣而知神宗厭安石卽疏其過以賈直加直集賢院遷御史知雜事范子淵浚河之役知制誥熊本按行以爲非是爲子淵所訟確劾本附文彥博黜之代爲知制誥知諫院兼判司農寺中丞鄧潤甫御史上官均按陳安

民獄王珪奏遣確確詰辜蔡治潤甫均密奏確慘掠諸
囚確伺知之卽劾二人庇有罪由是皆罷而確得中丞
治太學生虞蕃獄連引朝士自翰林學士許將以下皆

逮捕械繫命獄卒與同寢處飲食旋溷共爲一室又繫
不問幸而得問無一事不承遂劾蔡知政事元絳有所
屬請出知亳州確代其位確自知制誥爲御史中丞蔡
知政事皆以起獄奪人位而居之士大夫交口咄罵而
確自以爲得計也吳充數爲帝言新法不使欲稍去其
甚者確曰曹參與蕭何有隙至代爲相一遵何約束今

陛下所自建立豈容一人挾怨而壞之法遂不變元豐
五年拜尚書右僕射兼中書侍郎時富弼在西京上言
蔡確小人不宜大用確既相屢與羅織之獄縉紳士大
夫重足而立確名爲次相實顯大政王珪以左僕射兼
門下拱手而已帝雖以次叙相珪確然不加禮重屢因
微失罰金每罰金輒門謝宰相罰金門謝前此未有人
皆耻之哲宗立轉左僕射爲永祿山陵使御史劉摯主
巖叟連擊之言確有十當去太皇太后猶不忍卽退斥
元祐元年閏二月始罷爲觀文殿學士知陳州明年坐

弟碩事奪職徙婁州又徙鄧初神宗疾草王珪議建儲
事確與同列皆在側知狀確自見得罪於世陰與章惇
邢恕等合謀謂珪實懷異意賴已擁護故不得逞既失

勢愈怨望恕又益爲往來造言識者以爲憂未有以發
也確在安陸嘗遊車蓋亭賦詩十章知漢陽軍吳處厚
上之以爲譏訕其用邢處俊事以斥東朝語尤切害於
是張燾范祖禹吳安詩王巖叟劉安世連上章乞正確
罪詔確具析確瑛甚悉安世等又言確罪狀著明何待
其析此乃大臣委曲爲之地耳遂連責英州別駕新州

安置宰相范純仁左丞王存坐簾前出語救確御史李
常盛劾罷息趙挺之王彭年坐不舉劾中書舍人彭汝
礪坐封還詞命皆罷去確後卒于貶所紹聖元年馮京
卒哲宗臨奠確子謂京壻也於喪次中闌訴明日詔復
正議大夫加贈太師諡忠懷崇寧初配饗哲宗廟庭蔡
京請徽宗書元豐受遺定策殊勲宰相蔡確之墓賜其
家京與太宰鄭居中不相能居中以憂去京懼其復用
而居中王珪婿也時謂更名懋京使之重理前事以沮
居中遂追封確清源郡王擢懋同知樞密院事諸子諸

婿皆擢官貴震當世高宗卽位下詔暴羣姦罪追貶確
武泰軍節度副使竄憇英州凡所與濫恩一切削奪天

下快之

舊志

明垂戒

吳淳夫

李夔龍

吳淳夫晉江人萬曆丙午舉人庚戌進士授餘姚知縣天
啓初歷官陝西僉事以京察罷五年蚤緣起武庫郎中
調職方與倪文煥田吉李夔龍並由崔呈秀進爲魏忠
賢義子大學士馮銓釋褐十三年登宰輔爲忠賢所矚

呈秀妬之淳夫卽爲攻銓六年冬擢太僕少卿視職方
事旋陞太僕卿右副都御史工部添注右侍郎明年八
月冒寧錦功擢右都御史視兵部侍郎事甫數日叙三
殿功擢工部尙書加太子太傅歲中六遷驟至極品莊
烈帝卽位罷歸尋爲言者所劾逮治論死

明史

李夔龍南安人萬歷己酉庚戌聯第進士歷徽州彰德推

官入爲吏部主事被劾罷去天啓五年黃緣復官歷考
功文選郎中專承崔呈秀指引用邪人以婚魏忠賢擢
太常少卿仍摺選事尋遷左僉都御史三殿成晉左副

都御史莊烈帝卽位罷歸復爲樊城王六履等文章
言其罪狀有詔逮治論死

明史

泉州府志卷之七十二終

身少居元

卷之七十二

八

泉州府志卷之七十三

祥異 紀兵附

物易其常則祥異生焉感召之原必有所自矣至于兆之旣形祥不必其爲福異不必其爲蓄尤以承之弭之者之在乎人爲也夫封疆之守祥莫大於寧謐異莫大於寇氛然徃徃天象未垂而民氣先之識微知著思患豫防則蓄遠而福集此必然之理也書曰師尹惟日可弗省歟作祥異志附以紀兵

唐貞觀二年泉州蝗

閩書

二十一年八月泉州海溢

文獻通考

宋太平興國八年八月泉州大風爲菴

隆慶府志

至道三年五月泉州甘露降

閩書

咸平三年二月泉州甘露降

萬歷府志

天禧五年三月泉州甘露降

福建通志

治平三年夏六月泉州大雨城市水漲壞民廬舍數千百

家閩書

四年秋泉州地震

文獻通考

熙寧二年泉州大風雨水與潮相衝泛溢損田稼官私廬

舍

文獻
通考

十年泉州饑

府志

紹聖三年泉州粟一本五穗八穗是年七月泉州大水三

日壞城郭廬舍

府志

崇寧元年泉州大旱水泉涸民多嗇死

書

大觀四年十二月二十日泉州大雪

文獻
通考

紹興三年七月丙子泉州水壞城郭廬舍

文獻
通考

隆興二年泉州饑

府志

乾道三年五月泉州郡城火是月大雨四旬不止

書

淳熙元年十二月丁巳泉州火燔城樓延燒五十餘家是

年無禾

文獻通考

十一年四月至八月不雨是年無禾

隆慶府志

嘉定九年泉州大水流田廬害稼

文獻通考

十六年秋泉州大水壞田稼

文獻通考

元至元二十七年二月癸未泉州地震丙戌後震六月大

水

元史

泰定元年泉州饑賑糶有差

元史

元統元年六月泉州大水漂民居數百家

元史

至正二年九月泉州大風雨

閩書

九年七月庚寅泉州大風雨

元史

十年十月乙酉安溪縣侯山鳴

元史

十三年七月泉州雨白絲海水日三潮

元史

十四年泉州旱種不入土人相食

元史

二十六年七月丙辰同安縣大雷雨三秀山崩

元史

二十七年二月癸未安溪縣地震

安溪縣志

明洪武九年泉州大水漂沒民居無數

福建通志

二十二年四月壬申泉州地震五月庚子地復震八月壬

辰又震

閩書

二十九年十二月壬辰泉州地震

閩書

三十一年泉州大水壞民廬舍

萬曆府志

永樂九年南安縣金谿橋災

南安縣志

十四年泉州饑

雍正志稿

正統十年五月泉州大水壞城郭廬舍

閩書

景泰二年泉州旱

萬曆府志

六年泉州旱

雍正志稿

天順二年泉州饑

隆慶府志

成化十二年泉州大旱饑

福建通志

二十一年自春徂夏泉州積雨連月晉江南安同安三縣

田廬禾稼多壞

閩書

二十二年春夏旱禾苗俱槁秋復旱民多流移九月地震

三次

隆慶府志

二十三年春泉州旱無麥秋大旱無禾

閩書

宏治六年七月初三日泉州大風雨自卯至申揚沙石開

元寺西塔頂傾折林木無數城鋪粉堞頽十之九壞官

私廬舍商舶民船不可勝計是年大有秋

萬曆府志

八年九月八日地震

萬曆府志

十年安溪縣三公峯崩聲如雷

萬曆府志

十一年四月大水

萬曆府志

十二年泉州自夏至冬大旱甘蔗生花結實如黍是年饑

萬曆

府志

十三年三月地震有聲

萬曆書

十四年正月十七日泉州地震是年大旱無禾安溪縣午

山崩

明史閩書合纂

十五年泉州地震

福建通志

十六年七月九月泉州大水漂壞民居

安溪縣志

正德四年南安縣金谿橋沒

南安縣志

八年泉州旱饑民採草木實有餓死者

閩書

十一年八月泉州地大震安溪縣午山又崩

閩書

十二年八月安溪縣地震聲如雷是年泉州地生毛一夜

長二三寸或四五寸有白有黑兩閱月乃沒

閩書安溪縣志

十三年南安縣麥一莖兩穗同安縣麥一莖五穗

隆慶府志

十四年泉州地震

明史

十五年三月二十五日安溪縣地大震聲如雷

隆慶府志

嘉靖六年十月南安縣二十七都牛生人

七年八月初九日同安縣大風拔木發屋主初十夜雨下

如注風乃止是年安溪涂山中松梢結節如白糖味甘

香人取嚼之愈宿疾

萬厝府志安溪縣志合集

十一年冬泉州雨雪次年大熟

福建通志

十五年丙申十六年丁酉泉州旱民多餓死

閩書

十七年同安縣甘露降凝木末如飴御史李元陽奏聞進

薦太廟

閩書

二十一年五月十三日同安縣晴時安縣海中氣蒸如霧

有斷虹飲海而起日下赤雲夾擁南飛夜分大風起屋

瓦盡落大木悉拔

萬歷府志

二十三年五月泉州南門橋十字街燬民屋二百七十餘

間是年至明年泉州相繼大旱民餓死者載路

通志萬歷府志

合纂顧珩與郡太守書均謂之陽能和陰則雨降若歲
大旱則陽不和陰可知陰不侵陽則地靜若地頻動則
陰干於陽又可知此不易之論也吾泉自冬徂夏亢旱
不雨正二兩月地動六次天之示人顯矣可不恐懼脩
省也哉昔成湯憂旱六事自責周宣憂旱側身脩行古
人應天以實不以文也仰惟執事投香明神沿途禮拜
祈求雨澤可謂誠懇矣其如后稷不克上帝不賦何況
今楚麥無收田疇難種百姓困窮朝不及夕嗷嗷待哺
將委溝壑夫物極則變禍深難測不可不早爲之慮也
且救荒之政散利薄徵緩刑舍禁最是切要伏乞將今

歲全災作速奏報邀遞饑孽發粟賑濟未納錢糧督爲
停徵招徠商船兩平糶買無情健訟勿行勾擾監禁輕
犯令其召保庶天意可回矣願執事留念焉生民幸甚
生民幸甚又書老夫耄矣素不敢干預官府之事因見
吾泉今歲旱傷重大百姓艱食曾陳救荒之策諒徹台
聽矣茲又喋喋干謁何哉蓋吾泉回祿之災間或有之
雖守者之弗成實氣殿之攸積有燒燬一兩家者甚至
延燒一二十家者未有若近日南橋之變延燒四街計
其房屋共三百七十餘間計其焚燒致死十有餘人計
其房價家資燒毀損失共銀十餘萬兩計其露宿乏食
之民共四千六百有奇民患於露宿非錢財不可以堅
屋民患於乏食非穀粟不可以濟饑此理之必然也按
左氏鄭災子產臨事而備寬其征與之則三日哭國不
市使行人告於諸侯陳不救火許不吊災君子知其先
亡也恭惟朝廷設官本以爲民學者立心亦期及物今
南橋四街百姓方遭饑饉薦薦之時又罹焚燬劫劫之
慘富者尙能支持貧者將何賴乎以德消變轉災爲祥
於仁人君子深望焉近聞大巡藩臬諸公於禱雨救荒

議獄省刑最爲留意執
事本當奉行至德至懇

二十六年八月泉州大雨水漲人家四五尺

閩書

二十九年冬訛言有馬精者其來見火星墜地婦人犯之
輒昏仆以桃柳枝鞭之乃甦否則死郡曉戶懸桃柳夜
則聚婦女露坐男子環守之鳴鑼鼓達旦有司禁不能
止有黃冠者鬻符於市捕訊之果得所謂火星衆始釋

然妖遂絕

福建通志

三十七年同安縣鴻漸山石墜自五月至十一月大荒疫

閩書

三十九年南安縣堂下荔樹冬花結實纍然

南安縣志

四十一年泉州郡城大疫人死十之七市肆寺觀屍相枕

藉有闔戶無一人存者市門俱閉至無敢出

閩書

四十二年南安縣有魚長丈餘自海入黃龍江沂金雞而

上困于淺沙數日死

南安縣志

四十三年五月泉州淫雨不止大水入郡城鄉村皆浸人

畜多死

閩書

四十四年三月十七日同安縣疾風雷雨未時忽昏如夜

咫尺不辨色至申盡乃稍開霽是年十二月初六日泉

州大雪深三四尺人以為異

福建通志

四十五年正月元夜泉州地震墻屋皆動五月二十一日

夜大風雨聲如雷壞城堞禾稼

閩書

隆慶元年正月二十九日酉時泉州地震一月二十一日

未時小震四月初三日酉時又震四月初八日雨至五

月初一日乃止是月有勅入郡通淮門

陸慶府志

二年正月十四日泉州石筍橋第十二坎石樑鳴三日而

折是年泉州大有年

閩書通志

萬歷元年泉州大有年

福建通志

二年八月四日地震紫帽山裂九月兩三日水驟漲郡城

東南隅尤甚市可行舟庫舍傾圮瀕溪民畜溺死無數

萬歷府志

蔡三陵稿

七年正月不雨大旱蝗民餓殍六月乃雨

八年同安縣饑

書

九年五月同安縣長興從順里蛟龍文雨注漂流人居

有溺死者

同安縣志

十一年八月至次年正月陰雲不開

同安縣志

十三年泉州大有年

開書

二十二年二月初八日同安縣雨黑水四月惠安縣地震

如雷十一月安溪縣地大震山崩裂

各縣志合纂

二十四年八月惠安縣颶風大作九月地大震洛陽橋欄

圯十二月同安縣地生黑毛

明史萬歷府志合纂

二十五年同安縣積善翔風等里雨雹壞瓦損麥又有黑

雲一片如箕所過瓦屋俱動至劉五店尤甚

聞書

二十八年泉州大水安溪同安二縣地震

安溪同安二志合纂

二十九年六月六日泉州大水南安縣溪漲漂沒民居無

數

南安縣志

三十一一年七月惠安縣地震八月同安縣大颶風海水漲
溢積善嘉禾等里壞廬舍溺人無數十月地生毛十一
月二十八日申時有大星如毬自南有聲是年泉商販
呂宋者數萬人盡爲所殺

商書

三十二年十一月初八日泉州地震初九夜連震十餘次
山石海水皆動地裂數處郡城尤甚開元鎮國塔尖石
墜損扶欄城內外廬舍傾圮覆舟甚多

萬曆府志

三十三年十二月泉州南街火延燒百餘家燬華表甚多

三十四年八月初七日泉州颶風飄土石坊十餘折開元寺西塔頂銅葫蘆是年饑

閩書

三十五年正月泉州地震門戶搖動有聲八月二十八日颶風壞府儀門府學櫺星門及東嶽神廟石坊北門城樓自東北抵西南雄堞窩鋪傾圮殆盡洛陽橋梁折

高厘

府志

三十七年五月初六日泉州地震門戶瓦屋俱搖動有聲

閩書

三十九年六月有大星隕于同安

同安縣志

四十年泉州秋旱

開書

四十一年夏泉州海水一日三潮秋大水平地數尺田宅

廬墓多壞安溪登高山崩

福建通志

四十四年泉州大饑

福建通志

是年晉江鰲頭鄉神廟忽有獸

脊自海上飛至轟然有聲

詞空日記

四十五年泉州大饑疫

開書

四十六年三月庚辰同安縣大雨雹如斗如拳擊傷城郭

廬舍壓死者二百二十餘人是年秋有赤白雲一片長

丈餘似刀形俱於夜分後見于東方閱數月乃止

明史南卷

四十七年夏安溪縣大風雨長泰里山裂數十丈水從地

湧起有蛟騰去二穴爲深潭

安溪縣志

天啓四年南安縣麥一莖兩穗

南安縣志

六年三月南安縣火災邑治前東西兩畔臨時皆燬

南安縣志

崇禎四年十二月二十一日丑時泉州地震

福建通志

五年二月初二日泉州地震

福建通志

十年二月初二日清源山異雲湧起如沸風雨大作平地

水深數尺新橋淹沒

司空日記

十二年正月一日同安縣城南火災八月十七日泉州大

風

十三年正月初七夜同安雨豆

同安縣志

十四十五年每日未申之交西南方天色如血未幾諸邑

遂有斗棖亂民之變

司空日記

十五年泉州雨水如血

福建通志

十六年同安縣從順里雨水如血

同安縣志

是年郡城東塔有

海鳥二色白大如車輪飛則腥穢遠揚

司空日記

十七年春南安人家祖先木主几上自行

南安縣志

國朝順治四年泉州兩縣

福建通志

五年八月泉州清源山蛻巖頂石崩是年饑

福建通志

十一年二月惠安縣雞作人語其冬海寇入城七月十二

日龍起晉江縣雁兜鄉經過處有火光壞民居無數神

廟中拽出泥像數軀

司空日記

是年同安縣浚滅及葫蘆山

後地中有烟冲起三日不散泉湧如血

同安縣志

十二年春南安縣雨水如血冬十月泉州雨絲

南安縣志

十三年正月泉州大雨雪平地五尺許五月南安縣署東

榕樹吐烟高數丈俱在未申時半方止

通志參南安縣志

十四年七月泉州雨絲

福建通志

十五年五月泉州虎入北門水關

福建通志

十六年九月泉州大風苗

十八年秋泉州颶風大作晝暝

福建通志

康熙元年同安縣海中有入面魚豎起水面見人笑而沒

是年泉州大饑

通志同安縣志合纂

二年春泉州雨雹夏南安縣大水行舟入市七月又大水

是年四月朔安溪縣黑光摩盪如連環狀自辰至午乃

止五月七月皆大水

福建通志 安溪縣志

三年正月初九日泉州九龍龜見同安蛟見六月六日暴

風雨水驟漲自辰至申水高丈餘城中市肆湮沒溺死

甚衆三晝夜乃退十月初旬彗星躔翼宿長丈餘西北

直抵婁宿歷十有三舍積月餘乃消

福建通志

四年泉州大旱自十月不雨至五年三月

福建通志

五年七月泉州雷震紫帽山頂凌霄塔崩八月郡東門外

巨石夜墜是年同安大有年

福建通志

六年泉州大有年銀一兩買穀八石

福建通志

七年泉州府學榕樹生玉芝三莖是年八月大水壞民居

禾稼南安縣城圯

福建通志

八年秋泉州大旱

福建通志

九年四月晉江縣民獻兩穗麥秋大旱九月朔風雷暴發

大雨雹

福建通志

十年十月泉州地震

福建通志

十二年三月十六日午時泉州地震聲如雷

福建通志

十五年四月十六日泉州大水民畜溺死甚多

雍正志稿

十七年五月泉州城鳴聲如微雷

福建通志

十九年泉州八饑是年六月有星孛于西南經月乃隕

月大風拔木空中火光如電雨如注

福建通志

二十年同安縣秋旱無禾

同安縣志

二十一年二月泉州東門外民家豕生豚兩頭八足是年

七月中夜有大星十餘各曳長尾其色慘淡自西南入

于箕尾分野

福建通志

二十二年泉州海不揚波澄泓若鏡是年臺灣平

雍正志稿

二十三年泉州五色雲見

雍正志稿

二十五年秋七月泉州地震

雍正志稿

二十六年五月泉州大風禮拜寺塔圮

雍正志稿

二十九年大有年

雍正志稿

三十年泉州大風雨海溢數丈惠安縣民居多漂沒

雍正志稿

三十五年同安縣甘露降

雍正志稿

三十六年同安縣虫食五穀

雍正志稿

三十七年四月廿八夜同安縣大雨水漲數丈西門城崩

橋梁盡壞民居漂沒數千家

同安縣志

三十九年泉州地生毛長者盈尺

雍正志稿

四十二年春泉州旱無禾

雍正志稿

四十六年六月同安縣蓮花山石裂有聲如雷大水壞廬

舍福建通志參
同安縣志

四十七年泉州疫糶貴

雍正志稿

四十八年八月一日辰刻泉州昏黑如夜

福建通志

四十九年夏泉州大水糶貴

雍正志稿

五十年六月泉州地震七月又大震

福建通志

五十二年二月泉州地震同安縣大水

雍正志稿

五十六年冬泉州火燔麗正門樓

雍正志稿

五十七年八月初二日泉州大水海漲入城高數尺新橋

石梁衝壞人畜多溺死

福建通志

五十九年正月安溪大雨雪

安溪縣志

六十一年正月泉州石筍橋第三坎鳴有聲隨折墮水六

月颶風害稼

雍正志稿

雍正二年六月泉州大水

雍正志稿

三年七月二十日安溪大水漂民居田地八月又大水

孫志

五年正月安溪大雪五月泉州羅貴八月泉州大雨溪漲

安溪縣志

六年晉江南安同安三縣秋旱

福建通志

七年五月泉州東門外嘉禾兩穗

福建通志

八年七月十六日大水漲入郡城

福建通志

九年泉州大有年

雍正志稿

乾隆七年安溪縣自春徂夏不雨無禾

安溪縣志

十三年惠安縣大風災潮水驟漲傷田稼

十七年晉江南安安溪三縣大水壞民居無數同安縣大

風災

十八年泉州大疫至明年秋乃止死者無數

二十二年泉州旱饑

二十三年泉州旱饑

二十四年雙門前火延及明蔡文莊清理學名臣坊

二十五年同安縣大水壞田廬

紀兵

附

唐末盜起壽州人王緒攻陷光州固始爲蔡州秦宗權所
攻率衆南奔自南康入臨汀陷漳浦至南安所在剽掠
爲其軍校王潮所囚自殺

宋太平興國初僊遊盜起衆十餘萬攻郡城城中兵僅三
千勢危急通判喬維岳固守轉運張克讓率兵破賊圍

解

建炎中楊勅寇安溪里人鄭振率鄉兵破走之

紹興十三年郡盜四起號曾少龍周老虎何白旗陳大刀
詹鐵又擁衆數萬帥司檄鄭振擊之賊遁去

十五年山寇出沒漳泉統制劉寶將兵討之餘黨悉平
十六年詹鐵又復來寇鄭振率衆與敵手殺數十人遂死
之

二十五年夏同安有警主簿朱熹與監稅曹沆守城西北
寇不能陷

二十六年海寇奄至安不鎮

乾道七年島寇毘舍邪掠海濱八年復以海舟入寇置水
澳寨控禦之

淳熙七年海舟賊沈師作亂泉郡大震戍將蕭某戰死知
泉州程大昌趣統制裴師武討之賊遁去

開禧二年劇賊號通海龍羅動天等攻掠臨漳逼泉郡泉
城晝閉

嘉定十一年海寇趙希範等衝突四境知州事真德秀檄
誅之

紹定五年海寇王子清等泊舟圍頭灣知州事真德秀遣

隊將王大壽防遏猝與賊遇大壽射賊十餘人賊爲奪

氣卒以無援死之官軍乘進遂有沙陶之捷

真德秀乞
禮王大壽

狀畧竊惟見危授命士之所難今有厠跡戎行名小
校而能捐軀狗義凜然有烈士之風其在今日尤爲難
得某旣親睹其事豈容不以上聞比者海盜猖獗頭灣
郡境某亟蹀躞右翼軍分兵防遏是時羣賊泊舟圍頭灣
距州城百餘里官軍星夜疾馳至辰已間猝與賊遇賊
徒推牛大嚼而官軍猶未朝食衆寡勞逸旣皆不侔故
自將官御俊以下俱有觀望蓄縮之意獨撥發官進勇
副尉王大壽者忠勇奮發控弦直進賊徒中箭而斃者
凡數十餘人羣兇爲之奪氣邵俊等旣引軍稍退大壽
猶挺立不移大罵俊等曰趨官家平日養得好人見賊
便走其時惟隊將秦淮軍兵朱佃陳捷吳慶尹政李從
五人隨大壽及秦淮等死之李從以兩奪賊船獲免海

瀕居民登高山望見者莫不失聲嘆息為之泣下某既
為文遣官以祭且厚恤其孀及收刺其子弟士卒聞者
於是競勸未幾遂有沙陶洋之捷俘獲賊首林添二等
皆適下手殺害官兵之人行刑之際設大壽位于旁令
其子剖心以祭雖足以慰英魂而據象憤然惟清明之
朝方崇獎忠義以勵風俗今大壽以軍中一校之微家
有垂白之母一旦遇賊寧捐其身而不忍負國寧死於
王事而不暇顧其親其忠節卓犖如此儻以其人微之
故泯嘿不揚殆非所以為忠義者之勸

咸淳末海賊寇郡境時西域人蒲壽歲壽庚兄弟在泉擊
賊退之

德祐二年元伯顏遣不周青寇泉州

景炎元年宋端宗即位于福州尋入海航于泉州港命蒲

壽庚將海舟以從叛賊壽庚閉城拒命時元伯顏遣唆
都寇泉州壽庚遂以蠟丸裹表由水門潛出與田子真
叛降元二年張世傑自海上復回討賊壽庚遣其賊黨
孫勝夫詣杭求救於唆都盡害宗室千餘人及士大夫
與淮兵之在泉者備極慘毒張世傑攻九十日不下乃
去之

元至元二十五年湖頭賊張治圍掠泉州是年甲寅循州
賊萬餘人寇泉州討平之

二十七年南安縣賊陳七師反討平之

至正三年丙辰泉州民劉應總作亂命江浙行省遣兵捕之

十年同安賊掠海濱監郡僕玉立俘其魁

十一年冬山賊攻安溪縣治監郡僕玉立捕獲平之

十二年夏仙遊流賊剽掠泉州有司禦之遁去

十四年夏安溪盜李大南安盜呂光甫聚衆爲亂七月圍

泉州不克

十六年春山寇李大攻同安監邑馬哈謀沙拒却之

十七年萬戶賽甫丁阿迷里可反據泉州民被荼毒是年

泉寇行守禮嘯聚復攻同安監邑馬哈謀沙力戰走之
二十二年回寇那兀納叛據泉州官軍至千戶金吉開門
納之遂執兀納是年陳友定攻泉州陷之

二十五年湖頭賊張治圍刺諸邑

二十六年五月乙巳朔泉州賽甫丁據福州路福建行省
平章政事燕只不花擊敗之俘衆航海還據泉州是年
南安盜陳七師作亂有司討平之

明洪武三年六月倭寇泉州

正統十三年鄧茂七據杉關攻上游郡縣將由安溪寇郡

城郡守熊尙初自提民兵與晉江主簿史孟常陰陽正
術楊士洪拒于城南古陵坡被執皆死之

十四年沙尤賊陷同安城邑民葉秉乾率義兵敗之又海
賊張秉葵等駕船攻中左高浦二所秉乾督義兵拒敵
死之

宏治四年漳平盜溫克進寇安溪攻陷南安縣治副使司
馬聖督官民兵討平之

正德元年廣東盜寇漳州所至俘質男女索金帛官兵不
能禦遂至安溪而去

二年廣東盜寇南安至晉江安海官兵襲之爲所敗肆掠而去

三年廣東盜復寇安溪南安

五年廣東盜復寇安溪南安至晉江安海肆掠慘甚

九年汀漳盜流入安溪南安肆掠而去

嘉靖元年秋廣東汀漳盜掠安溪南安

二年戊申廣東汀漳賊奔安溪辛亥泉兵與賊戰于高坪而敗擄泉州衛經歷葛彥之酉漳泉復合兵戰于霞村擄漳州通判施福七月入興化殺掠甚慘漳泉合兵數

千攻之輒敗相持數日不能獲其一矢飽欲始去

三年冬十月南安知縣顏容端德化知縣梅春安溪知縣龔嶺同安知縣周惟會永春知縣柴鑣兵追廣東汀漳盜至雞母岫龍溪知縣黎良亦以所部兵來會是夜賊自雞母岫奔小尤官軍四合擒斬無遺

十一年海寇衝突圍頭

十二年八月初五日永定寇犯安溪長泰里又犯崇信里

又犯新康里殺掠甚慘同知李東通判柯遷督兵平之十七年冬十月永定寇劫安溪感化龍興等里知縣殷黎

六... 遂至石珠... 獲其二... 三...

二十六年劇寇陳日輝聚黨據安溪覆鼎山大小尖白葉

坂諸崗不時出掠是冬突至同安郭外劫質男女挾贖

屯二十里弗去分巡僉事余燠督兵至賊奔回安溪直

搗其穴平之張岳平寇記安溪縣之西南崇信里白葉

交百數十里重岡復嶺箐林蒙密姦民保聚其中各有

名字聚多者至數百人時出劫掠去年冬出劫安溪徑

抵同安郭外劫數大家質其男女以東贖屯二十里外

弗去僉憲余公適分巡泉境聞之調官民兵遣文武將

吏分部追賊賊回安溪復保險旅拒公馳入安溪合諸

兵選其鋒銳親將之進逼白葉坂口斬首數十級兵勢

大振休兵賜賞効力死戰者得上賞人人爭奮遂進逼

險易分兵掩擊賊之渠魁陳日暉與其黨悉就擒遂空
其巢建議設營屯兵於白葉坂口彈壓羣民俾後不敢
保聚是時泉中丞饒體之後物力消耗海寇番船警報
日聞方萃兵爲防海之計而安溪山寇又作人情惶駭
官吏畏懦者爲之閉城門息行旌幸其出境與不入境
則已所恃於兵將器械以爲禦者則茫乎其不足恃也
便非余公決機之敏以身先之安能使衆心翕聚奮發
成功如此之速哉當公聞警之初投袂而起也一念之
爲如千將出匣精光所射羣心竦然孰能當其鋒者加
以謀慮審密賞罰信必其所設置於一疇者又皆足以
裨後患而垂永久君之精神初試卽如此推之天下何
事功不可立哉夫消息盈虛之變恆推遷於無窮而賢
監司又不可必遇有公之心則寇讎作不能爲深患萬
他日復有警報如安溪而遇因循觀望無是心者以
尸於上人將何所託命哉此安溪士民所以愛慕感公
飲食祝公願承公德於無窮故爲記之俾刻於石庶來
者尙有勸也公諱煥字德明嶺辛巳鄉薦登乙未進士
前禮科左給事中今陞福建按察司僉事係江西樂平

人極放其
辨說也

二十七年海寇阮其寶四師老林剪毛等掠同安惠安晉
江知府程秀民遣南安丞馬一洪指揮孫廷槐討平之

鄭魯平寇記海巨寇曰阮其寶四師老林剪毛者十八
種爲患閩浙交廣間二十餘年嘉靖某年四月掠同安
小嶼死與被執者二百餘人小嶼遂墟掠東石圍頭深
港而惠安屬地則一歲三四至郡侯習齋程公講求備
禦策治戰艦募水兵分遣文武材官截守是年五月其
寶寇圍頭統二千餘舟吾縣戴丞馬一洪指揮孫廷槐
承侯命發四湧兵船攻之候下令曰能得賊者悉與以
所有又曰勿浪擊勿妄殺無罪民乃用命五月二十一
日與賊戰小嶼南聲自己至申破其三舟獲賊三千餘
人賊退保草嶼是嶼萬石所結峭聳孤出忽夜聞風浪
有聲爭解維避之舟悉衝沒是月二十八日也賊黨奔
遁其實獨擄八十餘人屯嶼上觀援然而煙火已絕勢

將自斃先是石井有鄭汝暢張本應數人爲賊所執至是歸且以報侯侯命馬丞攻圍之六月朔日舟四集賊夜輯殘校謀遁衆合擊之殺其寶獲其妻妾并賊徒番子浮屍蔽海先後奔遁者指揮張文吳守涪湖盡索得之械送侯庭者二百餘人次日賊援至已盡殲矣未幾林勇毛復合黨寇蓮河方揚舟登岸賊櫓忽壞心惡之乃自焚舟去是月十八日寇晉江石湖又寇蚶江侯復命馬丞宵赴集諸社有力者百餘人自隨往衆力倍奮遂手殺賊獲十四人焚其二舸賊乃遠遁侯親行海上擣酒肉召勞諸勦命者張十一張尚魁身被數鎗而慰賚之登石井壘臺料賊所向呼諸父老語之曰浩浩乎波濤之大渺無際涯而涪湖一山乃逆流高出此天地造設爲環海藩屏爾民務自爲守吾且申請之令責其無事者使由前後無可乘之隙則汝屬保無虞矣於是民折板樂有所終相勦車下三十里不絕不肖居茅是地日擊戰功敬將瓶記輯爲實錄庶觀風者有采焉

二十九年倭自仙遊永春突犯安溪

三十四年十一月庚申倭犯泉州

三十五年倭自福清海口入寇泉州衛指揮童乾震引兵
連戰死之

三十六年十一月倭泊泉州浯嶼分掠同安惠安南安諸
縣

三十七年四月倭從郡境長坑頭登岸由龜湖突至安平
市官兵追擊大敗之是月至惠安知縣林咸率鄉官李
愷等拒守城賴以全倭遂分爲二隊一由海道寇鴨山
咸戰敗死之一由鳳山清源山寇南安時南安無城居

民遷避賊無所掠乃遁五月至郡城石筍橋巡按樊獻科率屬固守二十餘日賊復攻永寧城不克而遁

三十八年己未春三月倭復寇泉州至石筍橋燔民居城中固守乃去初五日又至石筍橋初七日焚營邊屋十一日南往安平時安平城已完守賊不得入後至郡城南新橋僉事萬民英從橋置門禦賊時鄉兵被賊驅回與鄉民男婦奔赴城者蹂躪橋陷墜死千餘人賊排橋門至車橋大焚民居直至城下官軍拒退攻同安縣城指輝白震同知李時芳教諭吳金率士民固守復至安

平城下遂散劫壽都時郡城分兵而守凡四閱月諸酋
移衆南遷建屋而居焚拒者一年

三十九年正月倭寇南安英山等處一支由潯美登岸焚
劫仍至車橋官軍拒之一支由法石登岸焚劫亦至南
門城下而去 四月倭攻崇武千戶郭懷仁朱紫貴失
守賊據城四十餘日燔軍民居大掠而去五月倭犯同
安知縣譚維鼎率兵攻之六月倭復由南安詩山入塔
口隘七月倭數千掠入安溪屯四十日公署民房燒燬
殆盡

四十年倭自漳州掠同安正月歷劫晉江巽頭沙塘陳坑
石菌等處分巡僉事萬民英募永春蓬壺呂尙四等兵
至石菌與賊戰官兵敗死者五百餘人倭尋至吳店市
新橋南頭焚掠四月復來晉江嶺後南安爐內等處遍
焚民屋叅將楊某未戰而退仍至筍江橋叅將黎鵬舉
亦走還分巡僉事萬民英斷橋梁一坎拒守七月出仙
遊大路截擄應試諸生勒贖 是年南安叛民褚鐸謀
反率衆攻南安城弗克千戶王道成招撫之不聽執道
成去指揮歐陽深追獲其黨林耿時乘賊呂雋西哨南

安撫諸鐸合所過地方殺掠備慘 是年倭寇合賊江

一峯謝愛夫等入安溪肆掠擄人口數百去 是年永

定賊號清江總者數千餘徒大掠安溪而去 是年饒

州土賊屢犯同安知縣譚維鼎督鄉兵擒斬之前後撫

降甚衆萬歷府志是年十月參將黎鵬舉招撫興化賊

首潘若海安置郡城斃賊若海不悛乃斬首雙門

前民始帖席數年田畝遍爲草莽瘟疫盛行死者枕藉

知縣卹洪震措置收埋僉事萬民英于開元寺施粥民

餓極有食粥立斃者是時晉江人張冕分巡嶺東諭賈

十一年二月倭寇永寧衛城首擄王國瑞失守城陷賊

大掠數日去時衛中軍民遁奔郡城者分巡萬民莫悉

遣還衛三月倭復來攻城再陷軍民殺傷幾盡

先是倭寇入泉

皆漳人爲之鄉導後悉本州人借倭名糾黨肆掠

是時晉江賊謝愛夫黃元爵

等寇永春蘇光祚康大福等寇仙遊施恩備等寇南安

高老李五官等寇晉江江一峯等寇雙溪口江清老等

寇英林潘逕曾老等寇安溪劫掠無寧日擄人及發墓

中屍勒贖時郡紳莊用賓與弟生員用晦痛父墳被劫

募死士百餘人直抵雙溪口賊巢與南安兵合連破十

餘寨負父骸以歸用晦毀後與賊格鬪死之

明蘇肅忠
孝殊思論

昔州之有倭患三十餘年所矣當倭初發難時值承平
久百餘年不習兵機船校尉之族揭竿持挺如嬰子搏
沙然大將軍戲下漫不甲乙吏茲土者聞鉦鼓聲慄慄
人色則為嬰城自守計至嚴鑄鑰不納一編戶時海
濤澎湃女環城下不億哭聲震原野鄉大夫用宿莊公
國之暇然曰此曹獨非士之毛哉居食其力急而棄之
為惡猶不忍而况嬰兒則白之令君令啓筵鑰吾為司
戶有一不逞吾以家殉矣介君信之所全活者數萬人
公又謂郡村官脆躬百不當一則募鄉人敢死士真行
開練以什伍俟賊入犯疆殲之賊患甚遂發公先大夫
塚而甘心焉公益發憤誓不與賊俱生遂偕弟文學用
公帥敢死士直馳賊壘斬級有差奪父屍逐賊復尾
後公翼親骸骨以歸而用晦公為殿卒以身殉之時
中丞公昌言於朝有在國忠臣在家孝子之語司馬下
臺使者核其事公獨患口親骸之謂何又因以為功其
孰能說之乃力辭於郡大夫郡大夫重傷公志事遂寢

又三十年公之木拱矣公之子太學生鳳章君請先大人諱不求名額爲人子而令若親忠孝大節湮沒不彰卽百死其何贖遂具疏以請天子下其事宗伯令觀風使者採實以聞諸掌故及三老五更咸謂公受知晚也此核實疏上天子嘉之贈公太僕寺少卿用晦公世襲百戶時深方脩朝宗故事入都門睹茲盛典則嘆聖天子厲世之意何其殷哉方公在先帝時秩不過僉憲官不踰十載乃其直躬爲人騎斲龍淵未試投杼旋疑樵夫田叟孰非帝恩者顧其憐愷之氣鬱而未宣揮霍之才沉而未奮偶遭家難誰不顧身公不求名而名已隨之矣季光緒思孝殊恩論世廟季郡中倭寇攻城掠地焚燬塚塚賊勢猖獗甚洵濱諸婦女逃竄郡城城閉不得入賊猝至直薄城下老少哭聲震野時方堵莊先生亟自命尹培堯翁納之至活者數萬家公於是自募取死士竄行間殺賊賊大怒發公先大夫墓中藏以去公借弟用晦馳麾下馳入賊壘奪父屍歸用晦死之聞中丞公列其事於朝又三十年公之子鳳章復吳疏請今上詔贈太僕少卿用晦世襲百戶李光緒曰公允直

不阿柄鑿於時久已謝事家居矣邑屋封疆危急存亡非其所帥奇也假公當是時袖手於孤城之嬰觀望于賊擁之臨或兵破士北城池失守生靈亡幸夫誰得以縱敵敵罪公者而公不難以其身嘗賊以親尸殉之其窮殿而死之而又出矣當於萬死一生之危卒使賊酋授首四郊安益可謂難矣是年分巡僉

事萬民英檄指揮歐陽深率兵攻東田賊施思備等走之深又同叅將黎鵬舉千戶王道成攻青陽等處高老

道五月叅將黎鵬舉指揮桂某千戶王道成百希周等率兵由水進歐陽深由陸進至尾嶺遂破七寨擒殺韋老等二百餘徒又追剿水田下洛等處斬獲百餘級宣

諭謝愛夫黃元爵等俱聽撫歸順賊會蘇光祚康大福

等率衆萬餘亦來歸江一峯等通衆尙萬餘六月深遣

人撫諭其黨夜悉解散黎明進擊擒江一峯李五官等

百一十八人斬於教場

趙恆平寇誌卷今以中國之大

有言民能道之者矣則又有轉貨賈以過其有無者戈
其之下則有脅之而從者加之饑疫相仍而無以賑之
則皆樂從之矣蓋者則爲之偵吾虛而謀以慮之總而
皆謂之倭倭衆至三十餘萬橫行四五年困於倭者十
二三困於從倭者十六七至壬戌春永寧陷而郡城急
矣公時適設家居不忍衆梓之難受勤自之兵持不數
月之糧以抗十餘萬方張之賊徒以平日信義爲衆所
歸又從江漳南斬立奇功先聲所加棄戈無而來欵者
日數萬公賑而遣之皆爲農民擇可川爲兵者勉以大
義慰勞出於至誠衆咸感德爭欲殺賊自効旬月之間
士氣百倍戰數勝功出諸將之右至湖尾河洲二役
則公皆以臨變獨率偏師夜衝柝搗巢出賊意外而元

兒授首賊衆先後破滅解散盡矣諸將非所與也凱旋之日百萬生靈莫不嗚呼相慶且喜且悲公雅性愛人視財如棄平居人以急殺無不應者及其爲將縣官所補緣惠不以入於家不足則以家貲糶之號令嚴明兵所次舍與民雜居而不敢犯臨敵風生突至陣前奮勇大呼部下乘之賊皆披靡嘗以匹騎從數十士深入賊壘大呼其酋江一峯而切數之曰我歐陽將軍也賊錯愕下拜不敢加害其爲所畏如此噫雖古名將何以加諸功成之後天子知其名詔陞今官公益感有莆城之陷公扼其衝力戰而亡一時部下爭先赴敵而天下之人張其烈自是倭亦不敢復窺郡城矣天子嘉公之烈立祠推恩之典一如舊章惜公不可復作矣百世之後山川如故將有陟清源之巔望維牒之雄壯西指荀江津光數岸將壇在焉公嘗以此誓師而受降者也凌滄海之怒濤絕姑山之頂則潘運英林石菴洲諸清賢在目中公嘗身以偏師用寡擊衆而生擒江靈季五官之處也則相與嗚呼興感悲愴公之忠魂雖與山川相爲久可也鄉耆老不忘公者請誦其碑以承其風

庚午同安白礁寨民王出彙倡亂知縣譚維鼎率兵捕

之林希元平寇記國家東南有倭寇之患嘉靖戊午巳

未凡再三焚城外居民數千家官府傳舍悉為灰燼

已未冬邑侯顧臺公至懲前之弊固封圻謹門柵詰戎

兵利弧矢嚴邏望鳴刁斗凡防禦之術罔弗備故賊自

南而上者越城而棲沈井二十里之外自此而下者越

城而棲沙溪三十里之地如是者不數於今三年皆不

敢近城土民咸曰此我譚侯之功也予因是思之使侯

早至於四年之前城外數千家必無灰燼之禍惟侯不

早至而里民不可留此侯之功所以為大也夫朝廷裂

一里之地而郡之以保障屬之守也裂百里之地而縣

之以保障屬之令也守不能保障其民焉用守縣不能

保障其民焉用令如侯者可謂不負其責矣以侯保障

之功言之當兵荒之後糧餉不足隨地設長團結

其與官兵相兼防禦者一百六十社既設險清野又督

段級六顆狗通俊謀城奸細丁一中等三名及流賊林
時派等六名餘黨撫平辛酉春正月倭賊突侵南數日
而驅出境南斬真倭及賊洪治仔等六名顆夏六月以
後賊合黨數萬環匝晉南鄰地調兵截禦毋令犯邊賊
有馬三岱者擁衆內侵率民鏖戰數合擒斬真倭及賊
三十四名顆三岱僅以身免奪其馬械財物弗可勝計
自是賊不敢犯與泉道檄該縣只用團練鄉兵緊急甚
得其力今賊不敢下縣而久屯晉南二邑者懼該縣鄉
兵故也又賊賊蕭雲峯等突侵率兵驅遁擒斬賊會張
重張良明等一十九名顆以後不敢犯同境又有土賊
企老林三顆鰲山老楊三仔等制立雲師則副部總倚
猛名色曠兵萬餘出沒無常迺調集水陸官鄉兵水陸
合攻斬葉子塗葉宗愛等七十三名顆撫賊會蘇任賢
等一十五人顆會林三顯等旋同諸賊受撫八月謀破
楊三仔賊黨解功級一百一十一名顆內有田老黃大
壯陰謀內有遣報効人先投內應事覺發兵搗穴擒斬
大壯及東海老吳用聘等一百三十七名顆餘黨近江
老鄭大果齊雲老王子琪等遁入安溪突回諸兵協力

嘉平論斬鄭大崇王子琪等一百一十三名
蜂起迄秋底平原不聽撫及既撫復叛者舉為待讞聽
撫効順及敗奔撫定者悉復業十月至十一月十二月御
兵染疫原屯晉南復真假聚眾二萬乘虛入寇得黨有
虎噬同城之意因撫降馬三岱解散其部黨復謀官鄉
兵剿捕擒斬真後斬三伴老太太白等四名顆賊級八
十名顆暨諸民望皆保無虞前賊遺還晉南二縣今嘉
靖四十年年饑寇已蒙大師撲滅晉南巨寇近亦蒙撫
院撫剿蕩平六月間有漏鋒殘賊奔突魯會兵擒斬一十
五名顆投刃降者二十餘人隨驅出境白石為月港賊
所謀及被鄉兵剿散蕩盡又值本縣白礁寨民王出蒙
集眾據寨為亂因提兵攻捕寨民縛送王出蒙及左右
咸武將軍林翠峯等五名餘撫散回治遣計擒斬功級
六百一十九名顆用鄉兵之力居多不至糜費糧餉撫
散者萬數千人原亦迫於兵荒猶之亂繞可解者况復
得為用不忍投之水火乎夫設城築堡以衛民生東討
西捕以除民患侯及母斯民之心於是為至朝廷設官
為民之意於侯始不負矣邑士夫萬載尹張君文錄等

身少用
卷之八
三
以予年長當有言予知
君獨深故書以記之

四十三年正月倭賊入郡境澗埕湖美等處殺掠男女而
去及至安平鎮取城三日弗克聞總兵戚繼光至乃引
去

四十五年春倭復入寇總兵戚繼光知府萬慶提兵截殺
之先謝愛夫受撫至是欲勾倭為變知府萬慶擒其獄
中斃之

隆慶三年四月倭二百餘人入同安界起總兵介恭將王
如龍戰敗分巡僉事蔡惠遣指揮張奇峰督兵襲破之

斬俘無遺

按泉郡倭變始于洪武三年至嘉靖四十三

年戚繼光破倭于仙遊俞大猷破倭于潮州其餘黨是年復經張奇峰剿破倭始絕迹萬曆十四年倭將大舉入寇慮琉球人洩其謀使母入貢時同安人陳甲商于琉球歸上其事于巡撫趙彥魯後倭自知謀泄乃寢

崇禎二年己巳海寇李魁奇攻陷浯洲後浦城死者百餘人

五年四月二十日海寇劉香老泊舟石井夜出肆掠次日兵至遁海中執男子以要贖南同二邑俱被其害

十五年南安張六角林隆文吳少子戴厚等倡亂衆各數百號曰青巾破三洋寨殺戮甚慘攻感化大寨不克而

去十六年秋知縣施嗣素泉州衛遊擊洪日昇率兵追
剿至感德康槌大敗之

國朝順治元年鄭聯寧移據廈門

四年鄭成功寇海壇不克退回鷺島頓兵古浪與偽官黃

愷等索餉安平鎮

愷料餉竭急民無聊生成切收殺之

八月鄭鴻逵攻泉

州列營於桃花山泉紳郭必昌之子巖爲內應提督趙

國祚殺之滅其家僉繫明大學士黃景昉等九月漳州

土進來援圍解偽水兵官破溜石砲城參將解應龍死

之是月南安寇莊廷張益率衆萬餘圍城焚砮霄塔

鄭成功傳

五年三月鄭成功據同安七月大兵至復之殺偽守官

印籍林壯猷等

七年八月鄭成功併聯鄭彩軍於廈門

八年巡撫張學聖調提督馬得功攻入廈門八月成功還
復據之十一月提督楊名高援漳與鄭成功戰于小

盈嶺敗績

九年總督陳錦駐同安縣攻廈門不克而還九月固山

金礪率兵萬騎屯泉州

十年固山金礮與鄭成功大戰於廈門島天妃宮乘勝復
海澄尋復爲賊所陷六年遣鄭芝龍招撫成功不就

十一年正月鄭成功遣其黨沿鄉索餉

十二年三月官軍自泉州出攻兩島爲暴風飄回分兵攻
白沙弗克而還

十三年海賊陳霸等竊踞涵洲勒餉燒燬房屋夜則入內
地擄掠男女至康熙二年方討平之

十六年鄭成功寇江南兵敗歸廈

十七年五月將軍達素總督李率泰海澄公黃榕分督水

師官軍追海門斬偽將周瑞漸近廈門會東風大作眩
暈遂大潰還

十八年四月成功入臺灣據之

康熙元年五月成功死子經偽襲

二年十月水師提督施琅與海澄公黃梧總督李率泰陸
路提督馬得功攻廈門得功船爲賊所圍死之鄭經棄
廈門金門走銅山

大兵入廈門墟其地而還

三年三月鄭經遁入臺灣

十三年三月耿精忠反偽檄至泉提督王進功縱諸將焚掠諸縣俱降 鄭經遣劉國軒何祐馮錫范入廈門 五月鄭經復據廈門 六月經入泉州城遣偽將劉國軒敗精忠兵於塗嶺

十六年二月

大兵至泉鄭經走廈門各縣以次恢復 四月山賊蔡寅以白巾爲號伏苧溪橋劫奪官兵餉銀遂屯聚數千掠鄉村兩界人被其害時總兵黃藍會剿搗其穴遂至仙人旗山下大敗之賊始逃散蔡寅入海

十七年鄭經取同安南安安溪等縣 是月山賊蔡寅又

率衆攻安溪二十八日郡城兵至乃解 七月賊將劉

國軒寇同安都統雅大里遁歸泉州國軒遂圍泉州時

軒水陸並進攻南安殺守將諸縣守兵相繼棄城遁賊
攻泉南門城墮四十餘丈我師築短牆以守會天大雨
城不克越相持兩月
援兵四集圍乃解

十八年己未有紅巾賊衆以千計由安溪來同安沿鄉焚

劫官兵擊敗之 十二月總督姚啓聖巡撫吳興祚大

集舟師攻廈門

十九年二月提督萬正色兵至泉州合巡撫吳興祚軍與

賊戰於圍頭克廈門進扼料羅賊懼遁歸澎湖

萬正色疏臣等

於二月初六日攻復海壇其全勝情形業於二月初七

日具疏題報外隨探逆賊朱天貴率餘遁據南日湄洲

等澳希圖抗禦臣卽咨會撫臣吳統師由陸路聲援臣

審候風利親率大船於二月十四日自海壇進取鼓勵

將士乘銳攻擊逆賊望風披遁我師奮勇追直至平

海與撫臣會師而朱天貴又將賊遁逆餘窺合偽右武

衛將軍林陞偽左武衛江欽偽鎮黃應黃德等會餘三

百餘艘併力堅踞崇武經撫臣先以陸師於二月十七

日擡運紅衣炮火直抵崇武緣岸設伏砲擊賊取水路

絕驚惶游移棲泊不安臣隨於二十日乘風順自平海

揚帆南下賊經率逆餘分列大洋數股迎戰臣指揮將

士分作六股攻擊自己至西鈎搭大戰犁沉賊舟大小

一十二隻賊潰飄海面大洋外遂克獲崇武安泊船隻

賊復于二十一日午時乘南風大發經會各港逆餘前

來拚命死戰撫臣仍於崇武緣岸砲擊臣豫揮兩股占

據上風以兩股從下風誘戰以中兩股衝餘砲擊上下

夾至犁沉賊舟一十七隻燒燬六隻擄獲三隻陣斬偽
總兵吳丙偽驍翼營副將林勳偽副領薛春偽翼將林
熊俞碩籌方國發等陣斬賊兵六百餘人活擒五十二
名擊沉溺死賊兵二千五百餘衆得獲器械偽印節火
藥旗幟等項慶戰兩日夜賊勢莫支我師乘勝追至泉
州港又得臭塗地方而賊船遂飄洋南通回顧巢穴是
役也破海壇取湄洲南日平海攻復崇武臭塗皆賊所
連年據扼邊海要地以肆毒螫者幸賴我
皇上威靈一旦肅靜而福興
泉沿邊居民獲安衽席矣

二十年正月鄭經死子克塽偽襲

二十二年六月靖海將軍施琅會各鎮官兵破澎湖 七

月 我師入臺灣鄭克塽降設一府二縣

五十年春正月土寇陳五顯倡亂于安溪冬十月督撫計

擒之送京師伏誅

六十年安溪常樂里奸民鄭堅陳洛等嘯聚山巖侵掠地方未幾擒獲伏法